

# LIPUZO NI LIKALABO

## MAHEBERU KALULO YA II



Ni bata pili kuitumela ku mañi ni mañi wa mina baba amuhezi liñusa la kuli “mulapelele musala ka.” U bile ya kula hahulu hulu, luli. Ne lu sa zibi kuli ki sikamañi, mi ha lu zibi se ne si ezahalile, neli fela kutaza ko kutuna mane na bonahala kuba ya sa zibi se siezahala, mi kucisa mubili neli a mwanda ni lishumi, ne ni mu pungeleketezi mwa likubo zena ni bikoto bya mezi. Kuli . . . kono u iketile cwale. Kucisa mubili kaufela kufelile, mi u iketile. Kacwalo u fokozi maswe maswe luli, u latehisize lipaundi ze lishumi, Na sepa. Ha sika ba kale . . . Busihu boo u konile kumiza muñwato wapili kuzwa la Sunda. Mi kacwalo nali ya kula hahulu, mi lu sepile Mulena ka yena, mi U mu bandusize kufitela afolo. Cwale lu bata ku mi bulelela kuli muzwelepili kulapela kuli abe ni mata hape.

<sup>304</sup> Mi cwale, mafelelezo a biki yetaha ye, Mulena ha lata, Ni lukela kuya kwa Miami. Mulikanaka wa kale, Muzwale Bosworth, uya kwa Hae, mi uinzi fakaufi ni kukwanisa lilimo ze mwanda za kupepwa cwale. Mi a ni biza, ani bulelela kuli, “Muzwale Branham, taha u to ni bona nako yeñwi, Ni bata ku ku bulelela nto yeñwi Ni si ka ya kale.” Mi uka . . . Kihande, Ni sepa ubata ku ni lapelela, mi ani beye mazoho asika ya kale, mwa ziba.

<sup>305</sup> Mi Ni—Ni sepa kuli Ni kona kufeza mazazi aka ni libubo le liswana ni la F.F. Bosworth. Kwa batu kaufela be Ni ziba mwa lifasi, mutu kaufela ye Ni kile na katana mwa lifasi, Nali kuba ni katane fateni muuna ye Ni lakalize kuba sina yena, yaswana ni F.F. Bosworth; kuba sina—kuba sina mukutazi, se Ni talusa. Nali kuba ni utwe fateni mutu yacwalo, lifasi koliya kolikuwa, kai ni kai, nali kuba ni bulele manzwi ka F.F. Bosworth kono konji fela kubulela ka zakuli “ki Mukreste,” mi lika kaufela “ki muzwale yomunde.”

<sup>306</sup> “Kusiyana ku lu siyelanga mitala fa lishabati la nako.” Ki muzwale yomunde, mi sa supezi luli cwale, bukaufi ni mwanda. Kacwalo uya—uya kwa Hae, ku felile, mi na ni bulelezi zona. Na zibile kuli na atumela kufunduka, mi na sweli fela kulibeleda. A bulelela kuli nako yemunati yende hakalo kalo mwa bupilo bwa hae ki yona ona ye hasweli kulibeleda, kono abulelela kuli na ziba kuli wa funduka.

<sup>307</sup> Se nili, “Ni lukela kuya kwa Michigan biki ye, Muzwale Bosworth.”

308 Mi ki hali, “Kihande, usike wa yo liyeha hahulu, Muzwale Branham, Hanisa kona pila nako yetelele ni yekana. Niya ni fokola ka nako kaufela.”

309 Kona kuli ubile mulikana ka yomutuna hahulu, kuli asike ashetumuka. Cwale, haiba Nina ni ku fufa ka pili, Nika—Nika ka fufa ni yo kuta mwendi la Sunda; haiba ha ku cwalo, kihande, kona kuli Ni ka tokwa ku ya ka mota, mi ikona ku ni ngela nako yetelele nyana.

310 Mi mu lapelele Muzwale Bosworth. Mulapele kuli Mulimu. . .mi ha Sa ngile mupatriareka wa mucembele, kuli A lume koloi ya mulilo ku mu lwala, mwabona. Na mu lata, ubile sina ndate ku na.

311 Muuna muhulu yomuñwi. . .yena ni Muzwale Seward. Ni—Ni bonahala kuli ni lata hahulu basupali, Na—Na mu lata. Mi mucembele Muzwale Seward, ayo lobala fela ona cwalo, niyena. Kakuli, Muzwale Seward ne si ya hulile hahulu, Ha ni sepi cwalo, sina Muzwale Bosworth.

312 Mi mu lapelele Muzwale Bosworth. Ha ki kuli sibaka kaufela sitezi fela lipalisa, kono ki—ki. . .U tokwa litapelo za mina, kono ha ki ka litaba lisili fela kono fela ki. . .kuli Mulimu mu lumelelize kuya mwa kozo.

313 Cwale. . .Mi hape lubata kuhupula, hape, kuli kamuso, haiba Mulena alata, lu ka pumbeka alimuñwi wa balikani ba luna yazwa mwa keleke mo, Muzwale Sol Coates. U bile kwani linako nako, ubelekile mwa ofisi ya poso hala lilimo. Mi ushwezi kwa sipatela sa Veterans Hospital busihu bwa maloba. Muzwale Cox ni Na neluilo mu lekula, mi na. . .totobezi hahulu. Mi saile cwale ka nako ye, ki Mukreste. Mi luna ni ku mu pumbekela kwa lapa laba ha Coots’ Funeral Home kamuso musihali ka wani kiloko, Muzwale Neville ni Na. Baopeli babalalu ba ha Neville ba ka opela; mi luka ikabela lisebezezo, Muzwale Neville ni Na. Fo ki kuli, Ne ni sa zibi fo ne lu pangezi litukiso kuli ki ze cwani, mi bakeñisa buino bwa Meda. Mi kacwalo, he, maswabi a hae akaba kamuso musihali ka wani kiloko, kuba Coots’ Funeral Home.

314 Mi he, ka tuu kiloko, la Bufaifi, Bo Wheeler. Ne lu ba bizanga kuli Pod Wheeler; ki, Ni libezi luli ki lifi la hae. . .Mi, mwa ziba, Ni—Ni li boni fela mwa mutende mi ne ni sa zibi kuli ki mañi, kufitela Ni yo lemaha. Nali muyaha tuko wa luna mwahala lilimo limo, mi—mi kona a sa timela fela. Na inezi kwa pata a keleke kwanu, busihu bobuñwi, mi Ne ni lika ku mutisa kwa keleke. Busihu bobuñwi, mwendi ki lisunda zetaalu kwa mulaho, na yemi ona kwani, mi Ne ni lika fela ku mu hapeleza kutaha kwa keleke. Kakuli, Ha ni sepi kuli na yanga kwa keleke kamba nana ni musebezi wa mufuta kaufela, kono una ni mushimani yali mukutazi wa Baptist. Kono na sina musebezi kwa na beleka kuya ka mo Ni zibela, mi sa ile cwale ku yo katana ni Mulimu. Konakuli ikaba la Bufaifi musihali ka tuu kiloko kwa Coots’

Funeral Home. Mi hape, Muzwale Neville ni babañwi ba ka opela, ni kona kwa malilo kwani.

<sup>315</sup> Mi kacwalo, haiba kunani wa mina kaufela ya bata kufumaneha kwa lisebelezo, leo ki la kamuso ka tuu, kamba, kamuso ka wani. Ni sepa ki cona cwalo. Nji cwani, muzwale? Mi tuu, yeñwi. Kana ku cwalo? Tuu, kwa Coots' Funeral Home.

<sup>316</sup> Mi cwale, la Sunda kakusasana . . . Pelekelo ikaba papazo fa silimba. Mi Muzwale Neville uka mi zibisa zateñi, ka nako yeo, fela ki . . . haiba lukona kuba lisebelezo za kufoliswa la Sunda busihu, kamba kuli ki nako mañi ye luka kuta haiba Ni fufela kwa—kwa Florida ku yo bona Muzwale Bosworth. Ha ni zibi fela mo Ni ka mu libalela, ki mulikani yomunde luli. Mi mwendi ki nako ya mafelelezo ya kubonana, haiba, Mulena a lumeleza, fa lifasi faa. Mi ki . . . Ha ni zibi mo Ni kona ku mu libalela kapili kamba cwani; mi ha Ni lati kuba kwahule, kono, mwa ziba mo liinezi, muna ni lika zeñwi za kueza.

<sup>317</sup> Cwale kuna ni mubulelelo o Ni bata kubulela fa kusi ka ba kale babañata, ni sicaba sesili balikani baka.

<sup>318</sup> Ni tabile fa kubona Kezeli Smith foo. Nako yapili ha Ni mubona seli kale hahulu. U cwani Kezeli Smith? Seli mwaha, mawi, Ni lumela nako ya mafelelezo yene Ni kuboni ki . . . [Kezeli Smith wa seha—Mu.] Kwa Benton Harbor, Ni sepa ku yoba kwani nako yeñwi. Ki hande. Ni lumela kuli nako ya mafelelezo ha Ne ni kuboni, neli mwa sebelezo ya maswabi mwa Louisville. Mi Na mu hupula Kezeli Smith hande luli. Mo lu . . . Ne ni tahanga ku to mu lwala mwa mota hane luyanga kwa keleke. Mukwakwa ni tala ya kale inge iyebauha kwatani mi litibekiso za mota inge li nyendaela, mi silami; ni na, lihutu leliñwi inge li hatile fande. Oh, mawi. Lika zeñata li ezahalile kuzwa ka nako yani, Kezeli Smith. Eeni, sha. Kihande, lu itumela ku Mulena bakeñisa likupuzo zende zeo, mi ni sa Mu lata.

<sup>319</sup> Nto iliñwi, yomuñwi wakona ku komoka, busihu bobuñwi. . . Ne ni sweli kuambola ni Muzwale Fleeman neli fa mukwakwa fani. Mi fokuñwi mutu ubulela kuli, “Kapili sebelezo isa fela feela, se si eza Muzwale Branham kuli afunduke fela aikele kiñi?”

<sup>320</sup> Ki le libaka, musala ka uinzi a nosi. Mwabona? Mi haiba ni kala kubulela, Ni ka bulela mane konji fahala busihu, mi ki yani fani, uikinezi anosi fani ka nako yeñata. Mi kona libaka le Ni ka akufela, ku kutela ku yena, mwa bona, ka nako ya busihu; kakuli Ni sa kala fela kubulela, Ni bulelanga hahulu nako yetelele. Ni ka ambola ni mutu *yo* licika la hola. Ha ni koni fela kufita ni kubulela kuli, “U ikutwa cwani *wena* busihu boo? U ikutwa cwani *wena*? U ikutwa cwani *wena*?” Ha ni ezi cwalo. Na tuhela fela ni kukala kubulela; mi yomuñwi ukala kubulela fa nto yeñwi, mi kipeto Ni ba kwani ka hola mutumbi. Mwabona? Mi kona libaka, ha yema ni kulibelela ni zeñwi cwalo. Mi kona

hakuli cwalo. Ne ni sa lati fela kuli mubone kuli Ne ni sa lati ku kopana ni balikani baka ni kuswalana mwa mazoho, ni kubonisa kutwano ni lika zeñwi, kono neli fela taba ya mufuta o cwalo.

321 Kacwalo, cwale, mañi ni mañi mube mwa litapelo bakeñisa bakuli ni baba ziyelehile.

322 Mi Musala bo Harvey u mwa butata bo butuna luli, uya aba hande. Eeni, sha. Mi ha Ni boni. . . Ni. . . Cwale ku kona kuba, kuya ka mo Ni zibela, mutu yomuñwi, ukona kuba dokota kulo mo. Mi haiba Ni lyanganisa lika kwa katala kwanu, Mulimu ani swalele. Kono Ni lumela kuli Mulimu uka ba atula ma dokota bani ka se ba ezize ku musali yani. Na—Na lumela ku za kupazula, Na lumela ku za milyani. Luli, Na lumela ku zona. Ni sepa kuli Mulimu na ba lumezi mo ku to lutusa, ka kuswana fela sina Ha na lumile bo mapanga-panga ba limota ni lika zeñwi. Kono musali yomunyinyani yani, dokota na mu lobalize, ni kubulela kuli, “Na tezi fela kansa, hakuna sene si ka ezahala.” Mee yomunyinyani wa bana babañata.

323 Na ya ku yena, ni kulika ku mu tatululela kuli ka tapelo. . . Mi—mi ki musali fela yo munyinyani, mwendi wa lilimo ze mashumi amabeli ni ze ketalizoho. Mane ni ka mo Mulimu na foliselize mbututu wa hae yomunyinyani, u bizwa kuli “mbututu wa limakazo” kwani kwa sipatela sa banana cwale, bakeñisa butuku bwa meninjaitisi. Mi neli ka mukwa o sabisa hahulu wa—wa nali ka ona mbututu yani, mi Mulena a mu folisa kapili fela. Bona, ma dokota, ne ba sa li utwisisi. Na ya kwateni ku Musala bo Harvey, mi se Nili, “Cwale, Musala bo Harvey, ma dokota ba ku palezwi?”

324 “Eeni, sha. Ki. . .”

325 Mi muuna hae ali, “Eeni, hakuna zekona kuezahala, yena utezi fela kansa mubili kaufela.”

326 Se nili, “Kihande, cwale se lubata kueza, ki kulumela Mulimu, kuli Mulimu aku—aku folise. . . folise wena.” Mi se Nili, “Mo li ezahalelanga, kansa haikoni kuzwa ona foo kapili; kono haiba lu lapela, kipeto bupilo bwa kansa bu ka zwa. Wakona kuba fa nako yetelele nyana luli, mi—mi” Se nili “wakona ku iikutwa kukatulula ona fa kapili.” Mi se Nili, “Mi kasamulaho wa mazazi nyana wakona kuikutwa kukula mane kufita sapili.” Kono se Nili, “U lukela kubeya tumelo ya hao kulwanisa kansa.” Se nili, “Haiba kansa ipila, u ka shwa. Haiba kansa ishwa, u ka pila.” Mi se Nili, “Cwale lu ka lapela.”

327 Mi ki ha lu lapela, mi ka bupaki kaufela bo Ne ni boni, Mulimu na swali mubili wa musali yani. Mi kapili pili a iikutwa hande, ayo lekula boma, apota pota mwa libaka za fakaufi, (inge asali mwa makateñi ona cwalo) na sa utwi butuku ni hanyinyani. Mi cwale kasamulaho wa mazazi amalalu akala kuikutwa kukula hape.

328 Mi se lu to utwa kuli ba tolopo ne ba bulezi kuli “babata kulifa dokota mali, haiba dokota na ka mu pazula.”

329 Mi cwale haiba Ni fosa, Mulimu ani swalele. Kono ba nga me yomunyinyani yani, ba mu eza “kulube ya mwa naheñi” cwalo. Ba mu isa kwande, mane ba zwisa ni mala a hae mwa mba, ni lika kaufela. Ba zwisa amabeli cwalo a fitisanga mezi ni lico, ni ku a labulela fande. Mi na lobezi fa tafule ya kupazulela liholo ze ketalizoho ka zene ni zeñwi fahalimu. Mi nasi a li, “Ne ku bonahalile inge mwa libulaelo la lifolofolo, mo ne ba wisakezi fela za mwa mba sibaka kaufela, ni kubeya liyaletoto za pulasitiki ni mipila ya pulasitiki.” Zeo za tomola pilu, kono ki niti. Mi mala a pulasitiki ni lika ze cwalo, ni kusiya musali inge a lobezi, musali wa mwanana fela bahaesuni. Ni li, mwa mukwa wa munahano wa ka, ma dokota bani bana ni mulatu wa bu bulai.

330 Musali aba bulelela, a li, “Muzwale Branham u ni lapelezi kale.” Mi bali, “Lu ka lumela kuli kansa yaluna . . . kuli kansa ishwile.”

331 Ali, “Lu ku lwalezi makande, ‘Kansa ya hao ya pila.’”

332 Na ka bulela cwani cwalo? Ne ili mwahali, hakuna X ray yekona ku ibona. Kansa ki . . . Ha ukoni kubona kansa ka X ray, ki nama ni yona, ha ukoni ku ibona. Kuna ni fela nto iliñwi ya kueza, neli kukwalula fela musali ni ku mu pazaula mwa liemba emba. Ku felile. Cwale kambe neli me yomunyinyani, Ne ni ka mu tuhela fela kuli a like tumelo ya hae ku Mulimu kufita kuli ba mubeke inge “kulube ya mwa naheñi” ku mutu ya cwalo. Cwale haiba Ni—haiba Ni fosa, haiba Ni—haiba Ni na ni mubonelo o fosahalile, Ni bata Mulimu kuli ani swalele, mwa bona. Kakuli ha Ni lati kuli munahane kuli ha Ni lumeli mwa ku pazuliwa kamba kuli ha ni lumeli mwa ma dokota ni lika zani. Zeo kaufela li lukile. Kono Ni nahana kuli pili ulukela kuziba so eza u si ka kala kuconkomona mubili wa mutu, isiñi kueza fela kuli uitutele fateni kamba ze cwalo. Yeo ki niti. Mi cwale, eeni sha, haakoni kupila. Ku felile. Haiba a pila, ikona kuba iliñwi ye limakazo zetuna ku zekile za ezahala fateni. Mi musali hana talimezi ni kubona kuli mala a hae azwezi kwa neku leliñwi la makupo, mi lipiyo za hae nelili kwa neku leliñwi, a timela fela ka yona nako yeo ona *cwalo*, a welela. . . Kiñi, ne si nto ye cwani. . . musali yani ashwela ona fani. Mi mwendi neli wa myaha ye mashumi amabeli ni yemibeli kamba mashumi amababeli ni yeketalizoho ya kupepwa ni bana ba balalu kamba ba bane ba na sa hulisa. Ha ki taba kwa kutomolisa pilu ku ze Ni kile na utwa fateni mwa bupilo bwaka. Se nili, “Ka mukwa wa kunahana kwaka fa litaba zeo, dokota una ni mulatu. . .” Haiba na ngile fela musali yani kuli aitutele fateni kakuli tolopo neina ni ku mu lifa mali, kona kuli ki bumawe, zeo ha li lukeli ku lumelezwa.

333 [Muuna yomuñwi wa buza haiba Mulimu wakona ku zusa musali yoo—Mu.] Kihande, Na ku bulelela, muzwale, ha ki nto yepala. Mi ki—ha ki. . . Kwa—kwa konahala, mi hape ku bunolo. Kakuli Ni ziba mutu yana nani lizoho lene li pumehile, kwa California (kaufela mina muna ni zona mwa mapampili a mitende), yana lapelezwi, mi lizoho *le* ne li pumehezi fa halimu *fa*, li melile mane ni minwana se ikala kubonahala ku lona cwale; kuzwa mwa ñokolwa, kutaha mwa lingongo za mazoho, kutaha mwa lubaka, ni Liemba za masapo a minwana kwa mulaho a yona, mwa bona. liteni mwa, Ni lumele ki mwa, mutende wa ba *Herald of Faith* kweli ni kweli. Ni ha nani lizoho le li pumehile *cwalo*; ne ba bonisize fo ne ku pumehezi lizoho, ni mo li melezi. Kweli ni kweli mo linze li melela, mwendi ki silimo cwalo.

334 [Muuna wa bulela mwa kopano hape—Mu.] Luli, yeo ki niti. Na lumela. . . Ki—ki—ki lika ze si ka twaelwa luli, mwabona, ki nto ye si ya kamita luli. Fa ni fa Ni utwile za yona. Cwale, ni Muzwale Bosworth, na lapelezi musali busihu bobuñwi. Mi Ne ni na ni yomuñwi mwa mukopano waka. Kono Muzwale Bosworth wa hae na melile lizoho ona foo; waka na ngile nako nyana kuli limele.

335 Na lapelezi musali cwana. . . Cwale, Ni balile bupaki bwa musali yani. Nana ni kansa, asina ngo; ne icile ngo ya hae kufeza. Mi lelitatama habusa musali aba ni ngo. Cwale, Na ziba se. . . Cwale, yoo neli wa Muzwale Bosworth, mwa buka ya hae ye bizwa *Christ The Healer*, Na lumela, kamba, *The Joy Bringer*, iliñwi ya zona. Cwale, li mwa bupaki bwa musali, ni libizo la hae ni keyala. Mi una ni bapila mabapa ni bona ni ma dokota ni batu basili ba ba kona kupaka cwalo, kuli ne li ezahalile.

336 Cwale, kwa Little Rock, Arkansas, busihu bobuñwi mwa muzuzu, Ne ni lapela kwani. . . isiñi Little Rock, kono Jonesboro. Mo ne Ni lapela. . . Se nili, “Ni ka ina kufitela Ni lapelela mutu wa mafelelezo.” Ne nili mazazi a ketalizoho ka amalalu ni masihu fa katala, mwabona. Mi cwale. . . mwa muzuzu nekuna ni musali yana ti lo taha, inza nanuzi taulo ya hae sina *cwana*, mi Na hupula kuli mwendi na sweli kulila. Mi se Nili. . . Oh, Ni sepa neli ka tuu kamba sili kiloko ya kakusasana, Se nili, “Usike wa lila, kezeli, Mulimu ki yena Mufolisi.”

337 Mi ali, “Ha ni lili, Muzwale Branham.” A ikapula; na sina ngo, mwabona. Ma dokota ne ba bulezi kuli. . . Kansa ne i icile ku yo punya kwa lisapo lelisweu la. . . ne ba bonisa cwalo. Mi Na mu lapelela, mi na kupa Mulena kuli amu folise.

338 Mi mwendi ka lisunda zene kamba ze ketalizoho kuzwa fani, Ne nili mwa Texarkana. Mi nekuna ni mucaha yana apezi hande inge ainzi fani, ki hali, “Ni bata kubulela nto yeñwi shaa, Muzwale Branham?”

339 Asa zwile fela fa katala, alimuñwi wa balibeleli alika ku mu kuzisa. Se nili, “Kihande, ha lu boneñi.”

340 Ki hali, “U mu lemuhiye kalibe yo nji?”

341 Na li, “Kutokwa, Ha ni mu hupuli.”

342 Ki hali, “Ha u ka talima fa siswaniso se wa si hupula nji.” Mi neli sisinyi kwa—kwa Texarkana, mi bani neli bo mahe ni ngo yenca yemelile, ne ibonahala fela inge yeñwi.

343 Cwale seo si bonisa kuli Mulimu . . . Ni si boni ha si ezahala. Cwale, Mulimu na ezize seo ku Musala bo Harvey yomunyinyani. Mi Ni lapela kuli A eze, cwalo ku mutu yomunyinyani ya bata kupila.

344 Muzwale Tony, kuna ni zo amuhezi? [Muzwale Tony u fa piho ya foliso—Mu.] Yeo ilukile. Amen. Amen. Eeni, ki yende, ni yona. Eeni, U ka eza kaniti, Ki Mufolisi yena.

345 [Muuna yomuñwi wa bulela fateni—Mu.] Eeni. Eeni. Eeni, muzwale. Amen. Luli. Eehe. Na luli . . . Mi Ni sepa kuli Mulimu ali kutiseze ku wena, mushimani, wakona ku si kutisa ni ku mu bonisa. Cwalo luli ki cona. Ki ka bupaki kwa kanya ya Mulimu, mulapele kuli Mulimu ali pete. Oh, Ki—Ki . . . Haiba ki Mulimu Yamata Kaufela, Wa kona kuezza lika kaufela. Haiba Ha koni kuezza, lika kaufela, Ha ki Mulimu Yamata kaufela he.

346 Kuna ni se si luezize mo lu inezi, ka mukwa o luli ka ona, kusi cwalo lukona kuba ni—ni toho inge ya nyunywani, kamba nto yeñwi ye cwalo; kambe nekusina Ngana yetuna kwa mulaho wa luna yene ka lu bupa mañi ni mañi ka mubonahalelo wa hae, kuli aeze kota ya oke, kota ya mupolota, kota ya nzalu, mi—mi ku shutanisa mwahala zona se—se lili sona. Ku lueza isi ka . . . babañwi ni bulizi, mi babañwi ni mafufa, mi babañwi ni mikata, ku mina . . . Mwabona, ki—ki Ngana yetuna kwa mulaho wa zona, kona—kona ze busa zeo. Kakuli U swala lika kamukana mwa mazoho a Hae. Mi Ni ziba kuli Ukona kuezza lika kaufela. Mi luka lapelela fateni, lu ka lapela.

347 [Muuna yomuñwi wa buza mwa kopano—Mu.] Kulukile. Luna ni . . .

348 [Kezeli Snyder uli, “Muzwale Billy, ni swalele.”—Mu.] Eeni, ima, ku lukile, zwelapili. [Kezeli Snyder ufa piho ya “kufola” Muzwale Branham hana mu lapelezi la Sunda leliñwi.] Amen. Mwa ziba, Ni likile ku nahana, Kezeli Snyder, nako yeñwi hane Ni yemi fa mwa tozo yeni, Na hupula . . . Ne ni bulelezi Muzwale Cox, Se nili, “Hanina kulika mane nihaiba yeñwi ya litemuho zani mwa mikopano ya mwa tabernakele.” Oh, ha uzibi diabulosi mwa ni lumelanga kufita fo kutata luli, kezeli. Mwa—mwa li ezezanga! Mwa ziba, ku ni bulelela ka lika za temuho zeo.

349 Mi kwanu, lwa to fumana kuli Musala bo Wood . . . kezela hae na si ka bona kale fateni yomuñwi wa batu ba habo. Sikwata luli nyangela yetuna ne ba folisizwe ka nako yani, mi mañi ni mañi . . . Kiñi, mwa ziba, ki sikwata tuna sa sicaba sani bene ba folisizwe. Mi kasamulaho wa . . . Nto yenca cwale; kezela hae, Ne

ni cile mulalelo ni yena busihu bobuñwi, mwendi lisunda zepeli zeo li si ka ezahala kale, . . . Oh, ki kwahule hule mwa malundu a Kentucky, mi Na—Na ziba fela kuli nana ni linzwi le liswana ni la Musala bo Wood, mi ne kusina liseli lelituna mwa muzuzu. Mi Ne ni si ka iseza ngana ku yena ni cwalo, Ne ni ambola, zeñata hahulu ni muuna hae, na lukisize kale mulalelo. Mi lwayo ina fafasi ni ku ca; mi lwa kuta mwahali, Na ikambota ni muuna hae, na nanuha ni kuzwela fande. Mi Mulimu yali Muatuli waka ya sephala wa ziba (hani yemi fa katala fa) Ne ni si ka mu ziba musali yani.

<sup>350</sup> Mi kasamulaho wa foliso ya sebelezo imano fela, Na bizeza sicaba kwapili kuli baezalibi ba bake. Mi yena na li lwanisa maswe Zeo; kono a baka ni kufa bupilo bwa hae ku Kreste, ananula lizoho la hae kuli ubata kufa bupilo bwa hae ku Kreste, mi nasweli kulila. Kasamulaho tozo imano ni siya; na bizeza sicaba kwapili, ni zeñwi cwalo. Mi se Ni fetuha, mi nekuna ni pono, mi Na bona muzwale wa hae; yanali kezeli, yo neli kezela hae, ni bona hamoho.

<sup>351</sup> Mi Na hupula kuli ki musala Charlie, kakuli Ne ni ziba kuli yana inzi fa tafule zazi leliñwi, kwani kwa—kwa ndu ya Charlie. . . Musala hae yomunyinyani, mutu yomusisani cwalo, Mulena ani bonisa butata bwana nani. Mi kuzwa ka yona hola yani, Mulena a swala mubili wa hae, unzi fa tafule ya hae fani cwale. Tony, kone luinzi, kulo kwani, na ya kwa kuzuma tumale. Mi Mulena a swala mushimani wa hae ni kulwala liapalo za na lukela kutina kaufela za. . . mwa bupilo bwa hae kaufela, kuba kwahule ni yena; ali kuina fela fani. Mi kalibe na sweli kucela kwa neku leliñwi la tafule, kono kacenu, ataha fa kaufi, mi a shenyisa sipula sa hae, mi a to cela fa kaufi ni na. Na sa zibi sa na sweli kuezwa. Muuna hae nainzi sina *cwalo*, mi Muzwale Banks na inzi fani, mi nelu sweli ku ambola. Mi kalibe asutelela, ni ku nanula sipula sa hae, ni ku to si beya fakaufi ni na. Mi neli ka mulelo, Mulena ani bonisa pono ona fani. Mi Na biza muuna hae, kakuli neli butata bwa sisali, Na kala ku mu bulelela ze ne ezahalile. Ki hali, “Muzwale Branham, ona cwalo kona mo ne ku ezahaleli, luli ona cwalo.” Mi kwani a mu bulelela, mi Mulena a mu folisa. Ku lukile.

<sup>352</sup> Mi cwale kasamulaho sebelezo ha se ifelile busihu bobuñwi, mi kezeli yomuñwi yo, Na bona Charles yomunyinyani yo ni musali yani hamoho. Na hupula kuli, “Yoo ulukela kuba musala hae; kono musala hae ki wa milili ye mi fubelu, kono yo ki musali wa milili yeminsu.” Mi Na lemuha pono ya yo yema mwa lilulu neku le. Mi nainzi fani inza itaula kwa meeto mi Mulena a ni bonisa pono kasamulaho afeza. . . kwa pizo ya kwa katala. . . kasamulaho wa mukopano wa litapelo ufela, foliso ya bakuli, mi pizo ya kwapili ne se ibizizwe, mi Mulimu a libelela kufitela a baka ni kufa bupilo bwa hae ku Yena mi a to mu folisa. Mi ubile ni. . . matata a hae inza mu kataza hala lilimo.



Mi aya ka kutotobela hahulu, ni lika kaufela, kufitela mane ni ku kokonyana kwa mahutu a hae kuzwa ku yena (sona sifanu) kuzwa mwa mubili wa hae. U ikutwa hande kufita mwa kile autwela myaha kaufela, mwabona. Mi ka mo Mulena ka sishemo sa Hae se si ipitezi u ezize sani! Ni sepa zeo kona zeama likande; nji cwani, Kezeli Wood? Ni ka Mwa ezeza! Kasamulaho. . . Uli cwani? [Kezeli Wood uli, “U latehezwi ki lipaundi ze sebene sunda yefelile.”—Mu.] Lipaundi ze sebene mwa sunda. Oh, Ki Mulimu! Nji Cwani?

<sup>353</sup> Cwale, Ni ka mi bulelela, libaka le Ni bulelezi Muzwale Neville. . . Na hupula kuli mwendi una ni liñusa la busihu boo. Ki hali, “Batili,” na sina. Mi Ni na ni lipuzo zelikani kwanu ze ne siyezi, Ni utwile kuli ki swanelo kuli ni tahe ni to alaba lipuzo. Mi Ni na ni zetalu kamba zeñata zeo Ni sepa kuli hanina ku lifeza busihu boo.

<sup>354</sup> Ni bata ku mi bonisa zeñwi li zwile mwa lizoho la mukutazi. Muzwale Neville fela, kamba, Beeler ki yena ya ni tiselize zona. [Muzwale Branham u alaba lipuzo ze ketalizoho ni zetalu mwa Kalulo ya III, kukalela fa paragirafu 668, sina puzo ya bu 67 kufita fa 74—Mu.]

**Kana macwe a yemela sikamañi mwa Sinulo 21:19 ni 20?**

**Tatulula libatana zene za Sinulo 5. . . U talusa 6; ha ki Sinulo 5, ki 6, Na sepa.**

**Mi babahulu baba mashumi amabeli ni ba bane ki bafi?**

**Kana lisila leli fubelu mwa Genese 38 litalusa sikamañi?**

**Ki kai ko kuna ni kulumiwa limpo kuya ka lifu la lipaki zepeli, Sinulo 11?**

**Ba bakenile bakaba kai kasamulaho wa puso ya lilimo ze sikiti? Mi ki mubili o cwani o bakaba ni ona?**

**Kana lu ka atula cwani mangeloi?**

**Ki milili ye cwani yeba ya mangeloi a Makorinte Bapili?**

<sup>355</sup> Mubulele fa litaba zeñwi zende, zeo kwateni ki zende. Ni sepa kuli hanina kufita ku zona busihu boo, kono haiba Mulena wa lata, Ni ka lika kufita ku zona nako yetatama haluka keta ku zona.

<sup>356</sup> Ni na ni zeñwi zende mwahali mo busihu boo; kacwalo lu ka lapela cwale ni kukupa Mulena kuli alutuse, mi lukene ku zona ku zetatama, oh, mashumi amalalu ni a ketalizoho, mizuzu ye mashumi amane.

<sup>357</sup> Cwale, Ndate yakwa Lihalimu ya fuyozwi, lu itumela ku Wena ka lika kaufela Zo lu ezelize. Mi, oh, ki nto yende kuli mane sishemo sa hao sa lu fitela. Na nahana cwale, busihu bobuñwi, mi ni yena ndwalume yomunyinyani waka yani, oh, na kuli hahulu, mi Wat aha mwa sibaka. Kucisa mubili kwa hae kwa tuhela ka yona hola yani, mi sa folile hande luli. Na itumela ku Wena. Mi

haili. . . fela ni kupa kuli Ube ni mañi ni mañi ya kupile sesiñwi busihu boo. Mi mane ha lu zibi, kufitela li lu potela fa lapa la luna, kuli sitalusa, tapelo nyana. O Mulimu, sikamañi . . . mo—mo U bezi ya sepahala. Mwa hola yani dokota ha ikela, ni kubulela kuli, “Ha ni zibi, Nali kuba ni bone sika se si eza ze cwalo,” mi kipeto Mulena Jesu ataha fa sibaka.

<sup>358</sup> O Mulimu, U ya sepahala hahulu ku luna, mi luitumela hahulu ka zona. Lu lapela kuli U lu swalele ka mizamao ya luna ya bunya kaufela, ni linzila za butanya. Mi, oh, ulu hupule fela, Mulena, kuli lu nama ya bututa fela mwa lifasi le li lififi, lifasi la lififi ni sibi ni lunya. Mi lusweli kotalima mwa lisila, sina mo ne luka bulelela, kwa lifateho za luna, mi lubona fela ni ku ziba ka mo lu zibela fela mwa butu bwa luna fa. Kono zazi leliñwi lisila lani ha se li apuzwi, lu ka Ku bona pata ni pata ni kuziba mo lu zibelwa. Lani kona lizazi le lu nyolelwa.

<sup>359</sup> Lwa lapela Ndate, cwale, kuli U lu tuse halunze lu lika kubeya mwa sicaba Linzwi la Mulimu, kuya ka likupo za bona. Zwisa matuku kaufela ku luna. Lwa Ku tokwa, Mulena. Mi lu lapela kuli U li alabe. Lumeleza ishemo sa Hao sifiwe ku luna, kakuli lu li kupa ka Libizo la Jesu. Amen.

<sup>360</sup> Cwale, ka kualaba lipuzo, Ha ni ya talifezi mukwazo mwa naha, mwa ziba. Kono Ni ka alaba fela kuya ka zibo yaka.

<sup>361</sup> Ki ye yene Ni kalile ka yona busihu bobuñwi, mi Ne ni tuhezezi ku ya:

**60. “Ka Moya ulimuñwi kaufela luna lu kolobelizwe mwa mubili wa Kreste.”** (Kaufela mwa hupula kuli yeo kona puzo fo ne Ni zamaela. Cwale yeo ifumanwa, eeni sha, mwa Makorinte Bapili 12) . . . **Ka nako halu . . . amuhela kupepwa sinca, se sanga sibaka. Ki ye . . . Kana ye kona Kolobezo ya Moya o Kenile, kamba ki kuli kuna ni kolobezo yeñwi, kamba ki kutazwa fela kwa ona?**

<sup>362</sup> Cwale, yeo ki puzo luli, mi ne luka ina fa nako yetelele ku yona yeo inosi, mi busihu boo ni kamuso busihu ni zeñwi cwalo. Ne ika tanda . . . ne ika—ne ika lwala ni kutama Bibeke kaufela hamoho. Liñolo kaufela li lukela kutamahana hamoho ni Liñolo leliñwi kaufela la mwa Bibeke.

<sup>363</sup> Kono ka kulika fela kueza ka ku kusufaza fela, ka kupatalala ka mo Ni zibela kuezeza, batili; ha u lumela ku Mulena Jesu Kreste, fo he kipeto una ni kupepwa ko kunca. Ha u lumela ku Mulena, u amuhela muhupulo o munca, bupilo bo bunca, kono ha ki yona Kolobezo ya Moya o Kenile. Mwabona? Una ni kupepwa ko kunca ha u lumela, una ni Bupilo Bobusafeli. Ki mpo ya Mulimu ye filwe ku wena ka sishemo se si ipitezi seo Mulimu a file ku wena. “Ya—ya utwa Manzwi a Ka mi a lumela ku ya ni lumile, una ni Bupilo Bobusafeli.” Una ni bupilo bwa kamita; koo kona kupepwa sinca, u cincizwe, kotalusa kuli u “fetuhile.”

364 Kono Kolobezo ya Moya o Kenile iku kenya mwa mubili wa Kreste, kulatelela limpo za sebelezo. Ha si ku ezi kuba Mukreste wa mufuta, i ku beya fela mwa mubili wa limpo. Mwabona? “Cwale, ka Moya ulimuñwi” (Makorinte Bapili 12) “kaufela luna lu kolobelizwe mwa mubili ulimuñwi. Cwale,” kubulela Paulusi, “kuna ni limpo ze shutana, mi mwa mbubili wo kuna ni limpo za moya ze ketalizoho ka zene.” Mi mwa mubili mo. . . Una ni ku kolobezwa mwa mubili kuli ube ni iliñwi ya limpo zeo. Li tahanga ni mubili.

365 Kono, cwale, kuya ka za kuba ni Bupilo Bobusafeli ni kuba Mukreste, uba Mukreste ka nako yo lumela. Cwale, koo ha ki kulumela kwa malikanyiso, koo ki kulumela luli ku Mulena Jesu ni ku Mu amuhela kuba Mupulusi wa hao; u pepwa sinca ka yona nako yeo, ni kuba ni Bupilo Bobusafeli. Mulimu utaha ku wena.

366 Cwale hamu talimele, Bupilo Bobusafeli; Jesu naize, “Ya utwa Manzwi a Ka mi alumela ku Ya Ni lumile, una ni Bupilo Bobusafeli, mi ha sana kutaha mwa katulo kono uzwile mwa lifu kukena mwa Bupilo.” U sibupiwa sesinca ka yona nako yeo. Mi Paulusi ha na katani sicaba sesiñwi sa sicaba sani, mwa Likezo 19. Nebana ni mukutazi kwani yanali muniti wa mulao yana sa bakile wa libizo la Apollosi. Mi Apollosi neli muuna ya mata mwa Mañolo, mi na sweli kupaka ka Mañolo kuli Jesu neli yena Kreste. Mwabona?

367 Cwale amutalime. Apollosi, kuya ka Linzwi, na bonisa lika ka Linzwi. “Tumelo itaha ka ku utwa, mi ku utwa Linzwi. Ya utwa Linzwi la Ka, mi a lumela ku Ya Ni lumile, una ni bupilo bwa kamita.” Mwa utwa nji? Apollosi, ka Linzwi, nanza li bonisa. Mi baa neli Bakreste, nebali balateleli, balutiwa. Mi Apollosi na bonisa lika ka Linzwi, kuli Jesu nali yena Kreste. Mi nebana ni tabo yetuna mi ba amuhela Linzwi, kono inge ba ziba fela za kolobezo ya Joani kihona.

368 Mi cwale Paulusi ha fita mwa libaka ze lumbile za Efese, afumana balutiwa babañwi mi ali ku bona, “Kikuli mu amuhezi Moya o Kenile *kuzwa* ha mu lumela?” Mwabona?

369 Cwale, ha u lumela, Jesu naize, “Una ni Bupilo Bobusafeli.” Kwani kona kupepwa sinca. Yeo kona petuho ya mina, kucinca. Kono kolobezo ya Moya o Kenile ki mata a Mulimu ao u kolobezwa ku ona mi mu lukela ku amuhela limpo za moya ze ketalizoho ka zene ze lukela kubeleka ku wena; ze cwale ka, ku kutaza, balumiwa, ba apositola, balisana, bapolofita, . . . mi limpo za mubili kaufela litaha mwateni, ha u kolobezwa mwa mubili woo. Mi seo. . . ha si kueza kuba Mukreste ya ipitezi, si ku beya fela mwa sibaka ka kuba moya o sebeza mwa Keleke ya Mulimu yapila. Cwale mwa utwa zeo? Mwabona?

370 Cwale puzo ki kuli. . . Ha lu li alabane iliñwi ka iliñwi, kuna ni lipuzo zetalu.

**“Ka Moya ulimuñwi luna kaufela lu kolobelizwe mwa mubili wa Kreste.”**

Yeo ki niti, Makorinte Bapili 12 ikafa kalabo ku seo. Ku lukile.

**Ka nako ye lu amuhela kupepwa ko kunca, se sa nga sibaka? Kana kona nako yeo?**

<sup>371</sup> Seo kona se ba bata kuziba, eeni. . . “Ka Moya ulimuñwi. . .” Batili. Batili. “Ka Moya ulimuñwi luna kaufela lu kolobelizwe mwa mubili ulimuñwi.” Mwabona, fo ha ki fona fo ku kalela kupepwa sinca, kupepwa sinca ku kala ha u *lumela* ku Mulena Jesu.

<sup>372</sup> Cwale hamubone, hakuna. . .hakuna nako ni yekana. . . Cwale ha mu teezeze. Ki sikamañi se mukona kueza kwanda ku lumela? Ki likamañi hape zemukona ku lumela? Ki sikamañi se mukona kueza ka sona kwanda ku lumela fela? Mu ni bulelele nto iliñwi yemukona kueza. Hakuna sika ni se si kana se mukona kueza kwanda ku Li lumela. Cwale, haiba kuna mukwa ufi kaufela o taha kwande a kulumela kwa mina, ha ki kezo ya mina bañi, ki kezo ya Mulimu. Kabakaleo. . .

<sup>373</sup> Cwale haiba lu ka bulela kuli ha u. . . Linako zeñata Ni boni, linako zeñata, sicaba sa amuhela “bupaki bwa makalelo bwa kubulela ka malimi” ka kuba Moya o Kenile. Mi fokuñwi za nyunga sicaba, kamba ku ba nata nata fa mukokoto, ni kubulela kuli, “Amu bulele. Amu bulele. Amu bulele. Amu bulele.” Mwa ziba, ku kutela linzwi fa ni fa, “Amu bulele. Amu bulele. Amu bulele.” Mwabona, ki nto yeñwi yo eza wena unosi. Mi—mi—mi ha ku cwalo. . .ha ki kuli. . .haki—haki nto niyekana. Mwakona kuba ni kulyangana kwa malimi. Mwakaona kuba ni—ni lika zeñata hahulu, ni maikuto a mubili. Kono haiba kuna ni se si zwa mwa tumelo ya mina fela, ilukela kuba mpo ya Bumulimu ye filwe ku mina ki Mulimu. Mwabona?

<sup>374</sup> “Mi ka Moya ulimuñwi luna kaufela lu kolobelizwe mwa mwa mubili ulimuñwi.” Yeo ki niti, mwabona. Kolobezo ya Moya o Kenile ki kezo ye shutana kwa kupepwa sinca. Yeñwi ki kupepwa, yeñwi ki kolobezo. Yeñwi imifa Bupilo Bobusafeli, yeñwi imifa mata. I mifa mata akukena mwa Bupilo Bobusafeli, mwabona, kuli ibeleke. Cwale mu utwile? Kihona. Ku lukile.

<sup>375</sup> Cwale ki ye yeñwi, akutahe ya bubeli, yende yene Ni bile niyona busihu bobuñwi:

**61. No li kai Moya wa Jesu mazazi amalalu mubili wa Hae hanoli mwa libita? Moya wa Hae noli kai?**

<sup>376</sup> Cwale, moya wa Hae, haiba mu ka latelela Mañolo, . . . kihande, nelu ka tisa fela libaka zeñata. Kono, Ha ni zibi, ki mañi yana ni Biblele? Muzwale Stricker, una ni Biblele? Ku lukile. Muzwale Neville, una ni yeñwi foo? Ni balele Lisamu 16:10. Mi kimañi yomuñwi hape? Kezeli Wood, una ni Biblele foo? Kihande,

Muzwale Stricker, (ku lukile, yaka kala kaufela), u ni balele Likezo 2:27, Likezo 2:27.

<sup>377</sup> Mi cwale, ka kukala, fani Jesu ha shwa. . . Ha mu shwa, mubili wa mina wa shwa. Linzwi lelili *lifu* litalusa “ku kauhana,” ki ku kauhana fela kuzwa kwa balatiwa ba mina. Kono mo Ubulezi cwana, ku Muhalalehi Joani, kauhanyo ya 11, “Ya utwa. . .” Isiñi. . . Mu ni swalele; mwani ki ku Muhalalehi Joani 5:24, “Ya utwa Manzwi a Ka una ni Bupilo Bobusafeli.”

<sup>378</sup> Jesu naize ku Mareta, ha na ilo mu katanyeza, . . . A bulela kuli, “Kambe Noliteni, kezela ka kambe ha si ka shwa. Kono nahaiba cwale, kaufela So ka kupa ku Mulimu, Mulimu uka Ku fa sona.”

<sup>379</sup> Ki hali, “Kina Zuho ni Bupilo.” Mwabona? “Ya lumela ku Na, ni ha shwile, uka pila hape; mi ya pila kaufela mi alumela ku Na, haana ku shwa.”

<sup>380</sup> Cwale—cwale, kuna ni siemba sa luna se si sa shwi. Mi sina ha Ni sa zo fita fela mwa mundandwe wa Mañolo, sika kaufela se si na ni makalelo sina ni mafelelezo. Ki lika zesina makalelo, kona zesina mafelelezo. Kabakaleo ha lu amuhela Krete, Mulimu, luba bana ba bashimani ni basizana ba Mulimu, mi Bupilo bwa luna buba bobusafeli sina Bupilo bwa Mulimu ha bu safeli; luna ni bwa Kuyakuile.

<sup>381</sup> Cwale, linzwi la kuli *kamita*, lufitile ku lona. Linzwi leo lakuli *kamita* “ki sibaka sa nako,” kamita *ni* (kukopanya) kamita. Mi ne lu fumani mwahali mo kuli lina ni—lina ni mafelelezo, kuswana fela sina manyando kaufela, ni matuku kaufela, ni maswabi kaufela, ni koto kaufela, ni lihele kasibili lina ni mafelelezo.

<sup>382</sup> Kono Bupilo Bobusafeli habuna mafelelezo, kakuli Ne busina makalelo. Ha bukoni kushwa kakuli Ne bu si ka pepwa kale. Ne busina makalelo a mazazi, Habuna mafelelezo a nako. Cwale, nzila fela yelukona kupila Kuyakuile, ki ka kuamuhela nto yeñwi ya Kuyakuile. Mi Mulimu neli; kusi kaba kale sika kaufela, nekuna ni Mulimu. Mulimu na sina makalelo kamba mafelelezo.

<sup>383</sup> Mi Mulimu neli yena Moya omutuna woo. Ne lu Mu swanize sina mibala ye sebene—mibala ye sebene ya nambwamutalati ibonisa. . . Buta bwateni bwakona kukwana lifasi haiba ne bu si ka nata mwa lifasi. Ki mezi fela mwa sikwenda sa lifasi, kona se si ipanga. Kono, cwale, sina Mulimu mwa bezi wa Kuyakuile, mi Nali ya Petehile: lilato lelipetehile, kozo yepetehile, tabo yepetehile, kukuliswa ko ku petehile. Mioya ye sebene ye kaufela (halunze lu kena mwa Sinulo), ya zwa; ne i ezizwe ki Mulimu, neli o petehile. Lika zeñwi kaufela kwanda zeo ki sika se si lyangani ku Sani.

<sup>384</sup> Cwale nzila fela ye lukona ku kutela kwa kupetahala, ki kutaha ku Sani (kupetahala, yali yena Mulimu). Kona lu

taha kwa kupetahala, konakuli luna ni Bupilo Bobusafeli; kusina mafelelezo, kamba kusina—kusina sika kaufela, ki Bupilo Bobusafeli fela bwa kamita.

385 Cwale usweli kubulela kwa moyo . . . ili moyo. Kakuli lu lwezi mibili yaluna fahalimwa mibili yekenle ya luna, ya mubili woo. Mi mubili . . . Ka kukala, fani Mulimu, lumonyi lwa Logos lone lu zwile ku Mulimu . . .

386 Kamba, sina ha Ni se ni fitile ku zona, ba Katolika ba Li biza kuli, “ki bwana bwa Mulimu bwa Kuyakuile.” Kanti, sina ha Ni se ni bulezi kale, linzwi leo mane ha li utwahali hande. Mwabona, haku konahali kuba mwana wa Kuyakuile, kakuli mwana nana ni kuba ni makalelo. Mi kacwalo Jesu nana ni makalelo, Mulimu nasina makalelo. Mwabona? Kono haili Mwana neli wa . . . isiñi bwana bwa Kuyakuile, kono Mwana ya nali ni Ndate kwa simuluho nali sina lumonyi lwa Logos lone lu zwile ku Mulimu.

387 Mi neli mubili wa bungeloi wa Mulimu ono zwile. Mufuta wa butu ono siba meeto sina o mubona; ki liito le linde. Nosina lizebe sina mo mu utwela, kono u utwa lika kaufela. Mwabona, Neli wa bungeloi, kuli, nambwamutalati hane ishetumuka kutaha mwa—mwa bungeloi. Mushe na I boni ha I taha mwa licwe sona cwalo. A bona kalulo ya mukokoto, ali, “No bonahala inge muuna.”

388 Abrahama a Mu bona ha Na keni mwa mubili wa butu inza ca namani, anwa ni mabisi, aca mafi. Abrahama a Mubona Hakena fela mwahae, mi ki ha likela kapili. Lu fumani kuli mibili yaluna iezizwe ka likalulo ze lishumi ni ze silezi za mubu, litahile fela hamoho. Mi Mulimu u li beile fela hamoho, ni kubeya Mangeloi amabeli mwa mibili; Mangeloi a yema ni kubulela. Mi Mangeloi neli batu ka . . . ni ka nako yani.

389 Cwale mulemuhe, lu fumana cwana kuli, ya Melekisedeke neli Mañi kwanda kuba Mulimu Kasibili! Haikoni kuba nto isili fela, kakuli Nali yena Mulena wa Salema yeli Jerusalema. Na sina ndate kamba mahe; nasike kuba Jesu, kakuli Yena nana ni ndate ni mahe. Haili yo yena nasina makalelo a mazazi, nasina mafelelezo a bupilo; kuna ni fela Alimuñwi yana ni zeo, yani ki Mulimu. Neli Mulimu ya ila mwa mubili wa bungeloi. Mwabona? Mulemuhe, Mulena wa Salema.

390 Cwale, Mulimu upile cwalo mwahala lusika, ka sicaba sa Hae. Neli Mulimu yanali ku Davida, seo kona sene si mu inisize fahalimwa lihalaupa, mi ka kuba mulena ya hanilwe, a lila. Ona Moya oswana wani no ti lo bonahala ku Jesu Mwana Davida, Yana hanilwe mwa Jerusalema mi a lila.

391 Josefa, alekiswa ka lishekele za silivera ze mashumi amalalu, atoiwa ki bana bahabo, alatwa ki ndatahe, a yo ina ku la bulyo la Faro, mi nekusina mutu yana taha mwahae . . . ataha ka Josefa, mi tolombita ha ne ilila liñwele kaufela ne li kubamela Josefa:

mufuta o petehile wa Kreste. Wani neli Moya wa Kreste ono taha mwa baana bani. Mwabona?

<sup>392</sup> Cwale, cwale fani Jesu ha shwa, neli Mulimu yana bonahalile mwa nama. Mulimu aba mutu. Mwa milao ya kupilisa, nzila fela yeo mutu na ka pilisa lifa le li latehile la Isilaele, neli ka kuba muliululi wa lubasi. Nana ni kuba mutu wa fakaufi mwa lubasi. Buka ya Ruti ya litoloka hande fa ngandaleza; mi nana ni kuba mutu wa mwa lubasi. Kacwalo Mulimu nana ni kuba muhaesu mwa lubasi ku mutu, kuli mutu abe muhabo mwa lubasi ku Mulimu. Mwabona?

<sup>393</sup> Yena una ni moya mwahala hae, mutu wabanga ni ona kukala fela ha pepwa, kakuli ki mufuta wa moya mwa sibupeho. Ki moya wa lifasi, ki moya wa—wa kalimu mwa lifasi le. Yena ki mwana fela wa Adama.

<sup>394</sup> Kota i itahisa ili yona. Limela za itahisa ili zona. Lifolofolo za pepana ili zona. Batu ba pepana ili bona. Ki libyana ze zwile ku ze bupilwe kwa pupo ya makalelo. Mwautwa nji?

<sup>395</sup> Cwale, cwale mutu ha pepwa, u pepwa ni moya ku yena wa lifasi le. Kona libaka hana ni kupepwa sinca. Kakuli moya o zwelela kwa kupepwa ki ndatahe ni mahe, yana itwezi ka foso, mi ka seo nasike kupila kuyakuile. Kona kuli una ni kupepwa sinca. Mi asika eza kale cwalo, Mulimu nana ni kutaha ku to mu ezeza nsila yakuli apepwe sinca; kakuli nasina mukwa wa ku ipulusa ka ona, na sina sepo. Na sina . . .na sina sepo, nasina Mulimu, nasina Kreste, mwa lifasi, a lateha mi a iconga. Ki—ki . . .nekusina sa na ka eza kuli apilise. Ki . . .kaufela . . . Hakuna taba ni ha nakaba muprisita yomutuna, haiba nali bishopu, haiba nakaba pope, sa na kaba sona kaufela, u sa na ni mulatu fela sina mutu yomuñwi kaufela.

<sup>396</sup> Kacwalo, nesina ni kunga Alimuñwi yana si na mulatu, kuli ali eze. Mi ki yena Anosi yasina mulatu neli fela Mulimu yena Kasibili. Mi Mulimu nana ni kutaha mi abe mutu (mi ki Ha taha mwa mufuta wa Kreste) kuli a comole buhazo bwa lifu, kunga buhazo bwa lifu, ku to lu pilisa, kuli lukone . . .isi ka misebezi ya luna kamba ka bunde bwa luna (haluna ni ze kana), ka sishemo sa Hae, kuli lu pilisizwe. Konakuli lu amuhela Bupilo Bobusafeli mwa mubili woo, mi cwale lu bana ba bashimani ni basizana ba Mulimu, mi luna ni Bupilo Bobusafeli mwahala luna. Lu bana ba bashimani ni basizana ba Mulimu. Kabakaleo, Jesu, ka kuba ya pila . . .

<sup>397</sup> Mi hakuna mutu, hakuna taba kamba ki ya maswe cwani kamba ki yomunde cwani, hana ni kueza . . .ha siya lifasi le, ha si ka shwa. U inzi kwa sibaka sisili fela. Kona una ni bupilo bo bu ka shwa, kasamulaho u fiwa koto mwa lihele ka likezo za hae, ki . . .kono he bupilo bob una ni kufela. Kuna ni fela mufuta ulimuñwi wa Bupilo Bobusafeli.

398 Cwale, lu se lufitile ku zona. Haiba mutu ukona kuba muezalibi mi a fiwe koto kuyakuile. . . Hakoni kufiwa koto kuyakuile konji haiba una ni Bupilo Bobusafeli. Haiba una ni Bupilo Bobusafeli, u pilisizwe. Mwabona? Konakuli kuna ni fela mufuta ulimuñwi wa Bupilo Bobusafeli, mi bwani kona bo bu bizwa kuli Zoe, “ili Bupilo bwa Mulimu.” Mi hakoni kushwa.

399 Kono ba bamaswe bainzi mwa sibaka sa—sa kulibelega (mwa manyando) kakuli katulo ya bona (kuli ba atulwe kuya ka likezo ze ezahalile mwa mubili) ka lizazi la mafelelezo. Cwale, kono luna. . . Libi za batu babañwi li zibahala kapili, zeñwi za ba latelela mwa mulaho.

400 Cwale ha luipulela libi za luna, Wa sepahala kuli aluswalele, kabakaleo haluna ku yema fapila katulo ya Mulimu. Mwa utwa nji? Mutalime, Maroma 8:1, “Hakusana katulo cwale ku babali ku Krete Jesu.” Babali KU Krete. Baba zwile mwa lifu kukena mwa lifu kukena mwa Bupilo; mwabona, haluna katulo haluli ku Krete Jesu. “Baba sa zamayi ka nama, kono ki ka Moya.” Mwabona? “Ya utwa Manzwi a Ka, mi alumela ku Ya Ni lumile, una ni Bupilo Bobusafeli.”

401 Mi haiba Ni amuhezwi ku Krete, mi Krete ungile katulo yaka, mi Na ni amuhezi swalelo ya Hae ka libi zaka, konakuli Mulimu ukona ku ni atula cwani? U sa ni atuzi kale, ha Na atuzi Krete. Konakuli Ni lukuluhile kwa katulo. “Konakuli ha Ni bona Mali, Ni ka mi fitelela.” Mwabona?

402 Kono, cwale, ya maswe ha yo cwalo. U ya mwa sibaka sa manyando. Mi lu ziba kuli yeo ki niti. Ya maswe wa pila. U mwa sibaka sa manyando. U mwa sibaka sa sa zibi. . . Kona mo ba konelanga kubiza mioya ya batu baba ikezi mwabuse ka bulauli ni mioya cwalo, litaba zeñwi za lishela la masila ni ze sina tuso ze ba bulelanga, haiba mukile mwabona zeñwi za bona. Ku lukile. Kiñi? Habana. . .

403 Amutalime ku Kalibe Piper, pampili yaka isika ya kale ku ba *The Miracle of Donny Morton*. Ki ba bakai baba balile mutende wani? Eeni, buñata bwa mina muibalile, luli. Mi iteni ni kuba *Reader's Digest*. Kikuli mu lemuhile, sani si sika ya kale ku Kalibe Piper, mulauli yomutuna hahulu yo lifasi likile la ziba fateni. Makepe a lishumi ka amabeli afilwe mwa likande la hae. Mi ka lilimo ze mashumi aketalizoho. . . Ba bile ni yena lifasi kaufela, mi ponahazo ya sayansi ni lika kaufela, kuli “yena u ambolanga ni bafu, ni sicaba sa taha ona cwalo.” Sikamañi? Libizo la Mulimu ne li si ka bulelwa nihaiba hañwi, hakuna kubaka, hakuna foliso ya Bumulimu, hakuna zeñwi ka Zona, mwabona.

404 Taba fela yateni neli kuli, neli batu bene ba bulezwi bani, “John, wa ni ziba nji? Kina George yanali kwa sibaka sa kuli, mi Ni ezize sa *kuli-ni-kuli* ni sa *kuli-ni-kuli*. Wa hupula sibaka ko ne luile ni ku yo eza sa kuli?” Mwabona, kona fela ze ba



ziba. Ba icongile. Kuzwa kwa . . . Kiba—kiba ba sina tuso kwanda kulibelela fela katulo.

405 Kona ko isikamezi kota, kona ko iwela. Mi mo u shwela . . . Kona ha Ni shutana ni ka za kulapelela bafu, mwabona, litapelo za baba ikezi kamba—kamba kuikambota ni bafu ni zeñwi cwalo. Ha li koni kuba cwalo, kuya ka Linzwi la Mulimu. Hakuna tuso ku lapelela mutu ha sa shwile. Ba felile. Bana . . . bana . . . Ba silile kale mululwani wa sishemo ni katulo. Ikana yaba kuli baile kwa sishemo, kamba baile kwahule ni sishemo. Jesu nabulezi ona cwalo, mwa kauhanyo ya 16 ku Muhalalehi Mateu, Na—Na—Na li lutile; kauhanyo ya 16 ya Mareka, Na lumela ki yona. Mufumi ni Lazaro; hakuna mutu yakona kutula musima woo, mi hakuna ya ka u tula fateni! Ki fo he cwale. Mwabona? Konakuli ku felela ona foo.

406 Cwale, kono cwale Kreste ha na shwile, lika kaufela nelina ni ku paka kuli Na li yena Kreste. Cwale ha lu yeni kwa puzo ya mina. Nto yapili, linaleli ne li hanile ku monyeha, lizazi la likela, kweli ya tima liseli la yona, lifasi ne la tokola macwe a lona, fa lifu la Hae. Mi Aya ku yo kutaza kwa mioyo yeneli mwa tolongo, bene ba si ka baka kwa pilutelele mwa mazazi a Nuwe. Yena, nebana lemuhile. Mutalime ku zeo! Mi haiba ka mukwa kaufela kuna ni muezalibi mwahali mo busihu cwana, u nahane ka seo fa muzuzu. Zazi leliñwi Evangeli ye muteeleza ku yona haikutazwa ona fa cwale, muna ni ku yo I paka cwalo. Kokuñwi uka kubama ka liñwele la hao, hakuna taba kamba ki wena mañi. Ikona kuba lilimo ze zeni sauzande kuzwa kacenu, hakulata haikoni kuba . . . mwa kakusasana. Nako ifi kaufela, uka yo kubama kokuñwi, mi uka yo utwa Evangeli ye inge ikutazwa ku wena.

407 Kakuli myoyo yani imano ba mwa tolongo, yene si ka baka mwa linako Enoke ni babañwi ha ne ba kutaza, mi Nuwe . . . ni mwa pilutelele ya Mulimu, siina mo kuinezi cwale, balibelezi nako yani kuli itahe. Mi Nuwe ni Enoke ni babañwi kaufela ne ba kutalize, mi sicaba sani sa ba seha ni kuba bona bukuba. Mi nebali mwa ndu ya tolongo, mi Jesu aya mi a yo kutaza kwa myoyo yeneli mwa tolongo. A paka! Mahalimu a paka, “Nali cwalo!” Lifasi la paka, “Nali cwalo!” Lihele la paka, “Nali cwalo!”

408 Bibeles ibulezi kuli . . . Davida, lilimo zeñata kwa mulaho, mwa Lisamu . . . Ku lukile, Muzwale, aku bale Lisamu, haiba wakona. Lisamu 16:10: [Muzwale Neville wa bala, “Kakuli hauna ku tuhelela moyo waka mwa sibaka sa ba bashwile; nihaiba kusiya Ya Kenile wa hao kubona kubola.”—Mu.]

409 Bala nto yeswana, muzwale, fa na kutalize Pitrosi; mwa Likezo, kauhanyo ya 2, timana ya 27: [Muzwale Stricker wa bala, “Kakuli hauna kutuhelela moyo wa ka mwa sibaka sa baba shwile, nihaiba kusiya Ya Kenile wa hao kubola kubola.”—Mu.]

410 Mubale litimana zepeli fahalimu a yona, muzwale, kuli mukone kuba ni taba ni taluso—taluso ya yona: [Muzwale Stricker wa bala, “Kakuli Davida ubulezi ka Yena, Ni boni Mulena—Mulena kamita fapila ka, kakuli u kwa lizoho laka la bulyo, kuli Ni sike na zikinyeha. Ki kabakaleo pilu yaka inyakalalile, mi lulimo lwaka lu tabile; mi ni yona nama yaka ika pumula mwa sepo. Kakuli hauna ku tuhelela moyo wa ka mwa sibaka sa baba shwile, nihaiba kusiya Ya Kenile wa hao kubona kubola.”—Mu.]

411 Bala timana yetatama cwale: [Muzwale Stricker wa bala, “U ni zibisize linzila za bupilo; u ka ni fa tabo yetezi ka pata ya hao.”—Mu.]

412 Eeni, mulemuhe. Cwale, mulikana ka wa Lipaki za Jehova, Ni tabela ku kubuza ka zona. Mwabona? Haiba lihele ki sibaka . . . Manyando, Musima, kaufela mo mu batela kuli bizeza; haiba seo sifelela kwa libita, kona kuli ki kabakalañi ha Na bulezi kuli, “Hanina kutuhela moyo wa Ka mwa lihele, nihaiba kusiya Ya Kenile wa Hao kubona kubola”? Ku cwani ka seo? Mwabona?

413 Ki wo mubili wa Hae, mwa libita; mi moyo wa Hae noli mwa lihele, inza kutaza, ali ya pila! Ku cwani ka zeo? Nali mwa mubili wa Hae wa bungeloi hape. Moyo wa Hae noli mwatasi mwani ni sicaba sene sili mwa mibili ya bungeloi hae. Mi nasweli ku ba kutaza, kuli ne ba “si ka baka mwa pilutelele.”

414 Yena . . . Mwa manzwi amañwi, Na ilo ngongota fa sikwalo. Mi sikwalo ha si yo kwaluha, ni myoyo yene bakile yani kaufela, Ki hali, “Kina Peu ya musali. Ki Na yo Enoke fa . . .” Mwani ki mwa Paradaisi, sibaka sesiñwi. Musike mwa lyanganisa libaka zetalu zeo, cwale: sibaka sa ba bamaswe, sibaka sa ba balukile, ni lihele kasibili. Mwabona?

415 Kuswana fela ni silaalu sa Lihalimu, inge: Ndate, Mwana, ni Moya o Kenile. Inge silaalu sa sibatana: mupolofita wa buhata, sibatana, mi ni—mi ni nombolo ya sibatana. Mi zeo kaufela, muhupule, kaufela zona ki mwa silaalu. Silaalu sipanga nto iliñwi, yepetehile. Kuna ni ya petehile. Mu petehile, alimuñwi ku ze taal: moyo, mubili, ni moya; mezi, mali, ni misinga. Mwabona, kaufela semuli sona, muna ni kunga zetaalu kupanga nto iliñwi. Munge gilasi ya maneku amalalu ni kuitoma fa lizazi, muna ni nambwamutalati ya kwanile. Mwabona, lika kaufela, mu lukela kuba ni lika zetalu kuli mube ni se si petehile silisiñwi.

416 Mi cwale, muhupule kuli, ha Na shwile, Aya pili ku yo kutaza kwa myoyo yene si mwa tolongo . . . yeneli mwa tolongo, ni kupaka kuli Na li “yena Peu ya musali.” Na li yena “Yana boni Enoke inza taha ni baba teni sauzande ba bakenile ba Hae.” Nana ni kupaka Mañolo ana kotalizwe ki Nuwe, mi ka Enoke, ni ka balukile, kuli “Nali yena Luli.” Lika kaufela nelina ni ku lemuha Cwalo!

417 Mi ki Ha kambamela mwa lihele, mi a amuha linotolo za lifu ni lihele ku diabulosi.

418 Akuta mwa Paraidisi; mi azusa Abrahamama, Isaka, ni Jakobo, ni ba balukile; mi a zusa (Mateu 27), mi se ba zwa mwa mabita ni kukena mwa munzi, mane ba bonahala kwa sicaba mwa mikwakwa. Haleluya! Ki fo he cwale!

419 Cwale, kono mubili wa Hae . . . Moyo wa Hae ha no sa li fa inzo paka ku baba latehile, kwatasi kwani hana amuha linotolo ku diabulosi, ni kuzwa ku to lamulela Abrahamama ni Isaka; moyo wa Hae no lobezi mwa . . . moyo wa Hae no lobezi inge ueza zeo, mi mubili wa Hae no lobezi mwa libita. Lani kona libaka Jesu hana bulezi kuli . . . Sicaba sili, “Kihande, kiñi Jesu habulela kuli, ‘Mazazi amalalu, Ni ka u zusa hape. Mazazi amalalu Ni ka zuha.’? Na—Na shwile la Bufaifi musihali, a zuha la Sunda kakusasana.”

420 Kono hamutalime, ne li “*mwahala* mazazi amabeli,” haiba nemuka nga buka ya litaluso za manzwi. Kakuli Na ziba kuli Davida, mwatasa tozo (ya tozo ya Moya o Kenile), naize, “Hanina kutuhelela Ya Kenile wa Ka kubona kubola.” Na zibile kuli zani neli paka Yena. Na ziba kuli zani ne li talusa Yena. Nali yena Ya Kenile wa Mulimu, mi Na ziba kuli kubola kukalanga ka liholo ze sebente tuu. Mwahali hali a mazazi ani, Na ka zwa mateni hape, kakuli Mañolo hakoni ku fosahala.

421 Mi sepiso ifi kaufela mwateni ki yaka mi hape ki ya hao, kki za luna!

422 Ki hali, “Hamu sinye mubili woo, mi Ni ka u zusa mwa mazazi a malalu.” Kakuli Na ize, “Hanina kutuhelela muyo wa Ka mwa sibaka sa ba bashwile, nihaiba kusiya Ya Kenile wa Ka kubona kubola.”

423 Na ziba, mwa mazazi amalalu kuli mubili wani no ka zwa mwateni. Na si ka ina mwateni mazazi amalalu atezi hande. Batili, sha, Na si ka feza mazazi amalalu kaufela. Na inzi kuzwa la Bufaifi musihali kusina la Sunda kakusasana, hakua nihaiba selu iliñwi ya mubili wani yene ka bola.

424 Mi Na shwile, ni ku toziwa mulyani wa kuomisiwa, mi na lobezi . . . kamba kutatezwa mwa masila, mi a lobazwa mwa libita. Mo kucisa mwani, mushitu wa macacani, kunga fela liholo zelikani mi Na ka kala kubola. Mu kala kusinye . . . kusinyeha, mwa ziba, mubili wa hae, ngo ya hae ne ika mbobela ni lika zeñwi, kubola ne ku ka kena; kucisa kwani, mushitu o tezi fela mukamo. Mi no uka kena mwa kubola, kakuli neli fela mubili. Kono Na zibile, selu yani isika bola kale, kuli Mulimu abulela ka Davida mupolofita kuli, “Hanina kutuhelela Ya Kenile wa Ka kubona kubola.”

425 Mwa na ngezi Linzwi la Mulimu ni kupila ka Lona! Cwale, yeñwi ni yeñwi ya lisepiso zani mwani ze ne lukela kuba za Hae, Mulimu na talelelize yeñwi ni yeñwi kaufela ya zona. Mi

sepiso kaufela yeli ya mulumeli, Mulimu uka taleleza sepiso Yateni. Amen. Kubonisa fela kuli Ki Niti. Amen. Kacwalo, moyo wa Hae. . .

**Kikuli unahana kuli. . . Batili, Mu ni swalele. Moya wa Jesu noli kai mwahala mazazi amalalu fani mubili wa Hae hanoli mwa libita?**

<sup>426</sup> Moya wa Hae noli mwa lihele, mwatasi a libaka za buliba; mi A zuha. Mi Na kona kukeza nyana—nyana fa taba yekona ku mi tusa hahulu. Ha Na zuhile, Yena. . . Ha Na zuhile kwa bafu, Na si ka feza pili musebezi wa kupulusa batu. Yeo ki niti. Nana ni ku kenisa lika kaufela. Tifo ne se ilifilwe kale, kono kusabisa kwa lihele kwani, kusabisa kwa libita kwani. . . Mi fa, mi Hana—mi Hana shwile, A zwelapili ona cwalo. Na si ka tuhela kusebeza ha Na shwile, Na zwezipili ku kutaza! . . . ? . . . Muni swalele ka likezo zaka ze sialezi, Ni sepa, kono Na si ka tuhela!

<sup>427</sup> Ha muna kufela! Mubili wa mina uka pumula fa nako nyana, kono Mulimu uka u zusa, Yena u sepisize kuli Uka u zusa. Kono hamukoni ku shwa sina Mulimu ha sa koni kushwa. Yeo ki niti. Amutalime, Yena. . . kasamulaho wa kushwa kwa Hae, ku sa. . . kushwa kwa balutiwa. Na lobezi, sa Na li sona. Ba Mu lobaza; sina mwa Na bulelezi ka Lazaro, “Ni ka yo mu zusa.” Mulimu na na ni ku Mu zusa.

<sup>428</sup> Amutalime, Na shetumukezi mwatasi, A zwelapili ku kutaza. Mi A kutaza kwa myoyo mwa tolongo moo. Azwelapili kukena mwa lihele, a amuha diabulosi linotolo. Akuta mi a kutaza hape mwa Paradaisi, mi a zuha hape ka lizazi la bulalu. Apota pota ni balutiwa ba Hae ka mazazi a mashumi amane, mi kwa mafelelezo a lizazi la mashumi amane, A kambamela kwa lihalimu; kakuli, lika kaufela ze li fahalimwa luna, maikuto a minahano yesika luka ni lika zeñwi kaufela. . . A pumaka maikuto a si ka luka kufela, ku kakanya kaufela, mi a biza mukoloko wa litapelo kuzwa mwa lifasi kuya kwa Kanya mwa kukambama kwa Hae. A yo ina ku labulyo la Bulena bwa Hae. Mukomi! Mukomi Yomutuna, kiniti. Lifu ne li si ka Mu tibela! Lihele ne li palezwi ku Mu tibela! Lifasi ne li palezwi ku Mu tibela!

<sup>429</sup> Ha Nali fa lifasi fa, Na filwe ku. . . Na ile kwa libaka za mwa munzi o mwatasi hahulu ni kwa sicaba se si kwatasi hahulu, mi afiwa libizo le li kwatasi hahulu. Sani kona sa na ezize mutu ku Yena. A ya kwa Jeriko, munzi o mwatasi hahulu. Muuna yomunyinyani hahulu na na ni kupahama kwa kota kuli a Mu talimele ali mwatasi. Fani kona fa na Mu beile mutu. Neli fela mutapisi wa mahutu a tezi masila, musebezi o maswe hahulu wa na ka fiwa. Aba ya mwatasi hahulu. Mi A bizwa ka libizo le li kwatasi hahulu lene likona kufiwa, *Baalezebubi*, “mulena wa mioya.” Mutu a Mufa libizo le li kwatasi hahulu, sibaka sa

kwatasi hahulu, ni ku Mu luma kwa libaka za kwatasi hahulu sa libaka za kwatasi hahulu za lihele.

430 Mulimu a Mu zusa kuya kwa Lihalimu la Mahalimu, ni Libizo le li pahami hahulu fahalimwa libizo kaufela. Haleluya! Kiñi, Nana ni kotalimela kwabuse kuli abone Lihalimu. Lubona lwa Hao lu pahamisizwe fahalimwa lihalimu la Mahalimu. Ni Libizo lelituna hahulu ku akile a bizwa mwa Lihalimu ni mwa lifasi ana ni . . . litamilwe ku Yena. Seo kona sa na ezize Mulimu ku Yena. Mutu a Mu beya mwatasi hahulu, mi Mulimu a Mu eza kuba ya Pahami hahulu. Nali fani ki Yani, kuzwa kwatasi hahulu kuya, ku ze Pahami hahulu.

431 Na bile ya mwatasi hahulu kuli A kone ku lu tisa fo ku Pahami hahulu. A to ba luna, kuli luna ka sishemo sa Hae lukone kuba Yena, bana ba Mulimu. Kwani kona kwa Na ile. Amen! Kufuyolwe Libizo la Hae. Na lukisize nzila kuli lukone kutaha ka yona, niluna, zazi leliñwi, “Kakuli Na pila, ni mina mu ka pila hape.”

432 Oh, ki kabakaleo . . . Mi mutu ha swala pono yeo, haku si ka ba kale mutu yakona ku li tatulula. Ba likile ku litoloka, mane ba latehelwa ki ngana ya bona; pina yetabisa ye: “Oh lilato la Mulimu, mo li fumezi mi le li kenile; Mo libezi leli tungile ni kutiya.” Timana ya mafelelezo yeo . . . kamba kamba Ni lumela kuli timana yapili, ki yona: “Haiba luna ka enge yetala liwate, Mi kambe lihalimu nelikaba pampili; . . .” Mwa ziba ko ne ku fumanwi zeo? Ze ñozwi fa butanya . . . limota mwa sibaka sa lipulumuki. Hakuna mutu yakona ni kamuta ku tatulula Lilato la Mulimu. Oh, halikoni ku bulelwa, sa Na lu ezelize. Mawi, mukona kubeya cwani nto iliñwi mwateni? Ki sishemo sa Hae, kuzwa kwa simuluhho kuisa kwa mafelelezo. Ne ni latehile, ni sina tuso, mi ni sina mata, ni siba bunde, hakuna zeñwi ka zona, mi Yena ka sishemo sa Hae ataha ku to lu pilisa. Oh, mawi. Zani ki za Hae . . . Yani ki yena Mulena waka. Lani ki lilato la Hae, bwani ki bunde bwa Hae.

433 Cwale luna ni mizuzu mwendi ye supa mi ni lipuzo ze lishumi ka ze ketalizoho mi . . .

## **62. Kana u nahana kuli ki swanelo basali haba eza musebezi usili kwanda keleke fela?**

434 Eeni. Yeo kona puzo, fela ki . . . ha ki puzo ya mañolo, kono . . . Kaniti, Na lumela. Eeni, sha, kaufela lu ba beleki hamoho. Basali bana ni libaka za bona, mi kaniti bana ni zona. Eeni, sha. Muezange fela misebezi ya butu fela ye mukona kueza, mi Mulimu uka mi fuyola ka zona.

Ku lukile, cwale halu boneni:

## **63. Shangwe tatulula ka za silaalu. Kana Mwana ukona kuina cwani kwa lizoho la Ndate, inza lapelela . . . ku Ndate, haiba ha ki batu bababeli?**

435 Kihande, mulikani ya latwa, yani ki...yani ki—yani ki sinulo. Haiba Jesu naize, “Na ni Ndate lunto Iliñwi,” konakuli bakona kuba cwani bababeli? Mwabona? Cwale, ha ki bababeli.

436 Musali nako yeñwi naize kuna, mi Ne ni sweli ku tatulula cwalo, kuli, “Wena ni musala hao mu—mu bababeli, kono mu nto iliñwi.”

437 Se nili, “Kono, Mulimu ni Mwana za shutana ku zeo, mwabona.” Se nili, “Wa ni bona nji?”

“Eehe.”

“Wa bona musala ka nji?”

“Batili.”

438 Se nili, “Mi, Ndate ni Mwana ba shutana; Jesu naize, ‘Ha mu Ni boni, mu boni Ndate.’” Mwabona?

439 Ndate ni Mwana...Ndate neli (Mulimu) Jehova Yamata Kaufela inza pila mwa tabernakele yebizwa Jesu Krete, yanali yena Mwana Mulimu ya tozizwe. Jesu nali Mutu, Mulimu ki Moya. Mi hakuna mutu yakile abona Mulimu fateni ka nako kaufela, konji mwana wa libanda *fela* yazwa ku Ndate ki yena ya Mu pakile. Na li...Yena...butu bwa Hae, sibupeho sa Hae, Bulimu bwa Hae, kaufela sa Nali sona, Nali yena Mulimu! Na si nto isili yenyinyani kamba yetuna kufita kuba Mulimu. Ibo, Na li Mutu. Na li Mutu, ili ndu mwa na pila Mulimu ku yona. Yeo ki niti, Na li sibaka mwa na pila Mulimu.

440 Cwale, haiba mubata Mañolo ku seo...Muzwale Neville, haiba wa kona ku ni ngela Muñoli Mareka 14:62. Mi Kezeli Wood, wena unge Maefese 1:20. Yomuñwi hape yana ni Bibehe? Kihande, nanula lizoho la hao. Kezeli Arnold, una ni yeñwi kwa mulaho koo? Ku lukile, u ni balele Likezo 7:55. Ku lukile. Mareka 14:62, Muzwale Neville; mi Kezeli Wood ki Maefese 1:20; Likezo 7:55, Kezeli Arnold.

441 Ku lukile, kana uifumani, Muzwale Neville? Ku lukile, bala cwale: [Muzwale Neville wabala, “Mi Jesu ali, Kina: mi mu ka bona Mwana mutu ainzi kwa lizoho la bulyo la bulena, mi inza taha mwa malu a lihalimu.”—Mu.]

442 Ku lukile, cwale, mutalime mubulelelo wapili foo. Jesu ali, “KINA.”

443 “KINA.” Kimañi yanali kuli KINA? Kwali kuba kube mutu mwahala lifasi kaufela yakona kutoloka Seo. Nahaiba ba...mina mubalanga libuka za litaluso za manzwi ni zeñwi cwalo, ha ku si kaba fateni kale mutu yakona kotalusa...Ki J-v-h-u. Mi mane nahaiba baituti ba Maheberu ne ba sa koni ku Li bulela. Ona sicacani sesituka sani, zazi lani ha Na kopani ni Mushe, Ne li J-v-h-u. Kacwalo ne ba Li bulela kuli “J-o-h, Jehova,” kono ha Ki “Jehova.” J-v-h-u, mwabona, hakuna ya ziba.

444 Mi mu li, “Kihande, Mushe na si ka Li utwisisa.”

445 Na ize, “Ki mañi ye Ni ka bulela?”

446 Mi ali, “Ubulele kuli, ‘KINA’ ya ku lumile. KINA.”

447 Cwale amubone. KINA ki tensi ya cwale, isiñi “Neli na” kamba “Nikaba teñi,” KINA. Cwale, U ize, “Ye ikaba kupuzo mwahala masika kaufela: KINA.”

448 Cwale mutalimele ku Jesu hana yemi ka lizazi la mukiti lani. Neba ize, “Lwa ziba cwale kuli u lyangani.” Manzwi a lukile, “Wa pulumuka” (*kupulumuka* ki “kulyangana”). “Lu ziba kuli u lyangani. Wena u Musamaria, una ni moya o maswe.” (Muhalehi Joani, kauhanyo ya 6) Mi ki hali, “Cwale, u bulela kuli wena. . . uboni Abrahamama, mane u muuna ya si ka fita kale fa lilimo ze mashumi aketalizoho?” (Mwendi na bonahala ya hulile kufita silimo sa Hae, kono Nali fela wa myaha ye mashumi amalalu, kono musebezi wa Hae.) Ali, “Wena utalusa kuli u mutu ya si ka fita kale fa lilimo ze mashumi aketalizoho za kupepwa, mi ubulela kuli ‘uboni Abrahamama’? Lu ziba hande cwale kuli ulyangani.” Mwabona?

Ki hali, “Kale Abrahamama asikaba teñi, na KINA.”

449 “KINA,” Nali yena yomutuna yanali KINA. Fa U bulelela Majuda ba hape, mwabona, “KINA! Mi ha mu Ni bona nitaha kwa lizoho la bulyo la bulena, . . .” Ki cwalo kana?

450 Mubale seo hape, muzwale: [Muzwale Neville wabala, “Ha mu ka bona Mwana ainzi kwa lizoho la bulyo la bulena, mi inza taha mwa malu a lihalimu.”—Mu.]

451 Bala ya hao cwale, Kezeli Wood: [Kezeli Wood uli, Maefese 1:20?—Mu.] Eeni, ima. [Kezeli Wood wabala, “Sa ezize ku Kreste, ha mu zusa kwa bafu, ni ku mu beya kwa lizoho la hae la bulyo mwa libaka za mahalimu.”—Mu.]

452 Ku lukile, bala ya hao, kezeli. Mwabona, Ki nto yeswana fela: [Kezeli Arnold wabala, “Kono yena, atezi Moya o Kenile, inza talimile mwa lihalimu, abona kanya ya Mulimu, ni Jesu ayemi kwa lizoho la bulyo la Mulimu.”—Mu.]

453 Cwale, mwa bona, Je- . . . Mulimu nasike aba ni lizoho lelituna la silyo, mwabona, ni Jesu ayeme *kwa* lizoho la Hae la bulyo. *Lizoho la bulyo* litalusa “bulena.” Mwabona? Ka mutala fela, kucwani haiba—haiba Ne ni kaba mwa tamaiso yetuna ya kekeke, kamba Ne nikaba bishopu wa mufuta omuñwi cwalo, mi Muzwale Neville ange sibaka sa ka, nakaba yena lizoho laka la bulyo. Mwabona, seo sitalusa kuli una. . . na kaba kwa lizoho laka la bulyo.

454 Cwale, Jesu u kwa lizoho la bulyo la Bulena. Cwale, U bulela cwana, mo mwa Maefese, ha sweli ku li tatulula, U kwa lizoho la bulyo la Bulena. “Mata kaufela a Lihalimu ni lifasi” (Na ize kuli, kasumulaho wa zuho ya Hae) “li filwe mwa mazoho a Ka. Nina ni mata kaufela a Lihalimu ni lifasi. Muye cwale kwa macaba kaufela, muba kolobeze ka Libizo la Ndate, ni la Mwana,

Moya o Kenile, mubalute kumamela lika kaufela ze Ni mi laezi; amubone, Ni inzi ni mina kamita, kuisa kwa mafelelezo a lifasi.”

455 “Bulena kaufela bwa Lihalimu ni lifasi.” Bukai bwani. . . Haiba kuna ni mulimu kwahalimu kwani kwanda Hae, haana mata. Mwabona, haku koni kuba Mulimu usili. “Mata kaufela a Lihalimu ni lifasi” ainzi mwa lizoho la Hae. Kacwalo, mwa bona, “U yemi kwa lizoho la bulyo,” (sina mutu ya buzize puzo ye), ha ku talusi. . .

456 Cwale amutalime! Mubili. . . Mulimu ki Moya. Eehe, ki ba bakai baba utwisisa seo? muli “Amen.” Mulimu ki Moya, Jesu ki Mutu, mi Jesu nali Mulimu ya ezizwe nama. Jesu nali. . . Nelusike lwa bona Mulimu, mwabona, Ki yena Moya. Hamukoni kubona moya. “Hakuna mutu yaboni fateni Mulimu ka nako kaufela.” Hakuna yana kona kubona Mulimu.

457 Mi haluboneni ni bulele se, “Ha mu sika ni bona kale.” Ha mu si ka ni bona kale mwahala bupilo bwa mina, mi hamuna ku ni bona ni kamuta. Yeo ki niti. Muboni mubili o paka mutu yoo, oli mwahali moo. Cwale, mubili wo hauna Bupilo Bobusafeli, kono moya una ni Bupilo Bobusafeli. Mubili wo uka kuta, kono uka zuswa hape mwa kuswana kwa ona, kuswana fela sina bubeke bwa buloto ha bu wela mwa mubu. Bukreste bu itingile fa zuho, isiñi kuyoliswa. Zuho; yena Jesu ya swana yana ile, yena Jesu yaswana ayo kuta. Haiba uya ni milili yemifubelu, uka zuha wa milili yemifubelu; haiba uya ni milili yeminsu, uka kuta ni milili yeminsu. Mwabona, ki zuho.

458 Ha mu ca. . . Ne ni buzize dokota cwalo, ha ki kale hahulu, Se nili, “Kiñi ha Ne ni li wa myaha ye sikisitini. . . Nako kaufela ha ne Ni ca, Ne ni nacafaza bupilo bwaka?”

459 Ali, “Yeo ki niti.”

460 U kenya ma selu amanca—amanca nako kaufela ha ueza. . . li—li litalo lieza. . . kamba lico lipanga ma selu a mali, mi ma selu a mali ani akueza kuli ube ya tiile. Cwalo kona mo pilela. Mi, kuna ni se si lukela kushwa ka nako kaufela, kuli mu pile. Zazi ni zazi, sesiñwi si ka shwa: haiba u ca nama, komu ika shwa; kamba kaufela so ka ca; mi tapi ishwiile; kamba ki—kamba buloto bushwiile, kuli ipange sinkwa; likwili li shwiile, se si ezize likwili; mi ni. . . mufuta wa bupilo kaufela; mukona fela kupila ka lika ze shwiile.

461 Mi ukona fela kupila Kuyakuile kakuli sesiñwi si shwiile: Jesu. Isiñi kuli u ikopanyoze kwa keleke, isiñi kakuli u kolobelizwe, isiñi kakuli u ipulela kuba mwa Bukreste; kakuli u amuhezi Bupilo bwa Jesu Kreste bone bu suluhile. . . Mali ana suluhezi wena, mi wa Mu amuhela kuba Mupulusi wa hao.

462 Cwale, mulemuhe, Ni buze cwana. Ni bata ku *mi* buza cwana. Mutalime ku se, kinto yende. Mwendu Ni lutile ka yona fateni (Ha ni zibi) kwanu; ni kutalize kwa libaka kaufela, mwakona



kulibala ze mukile mwa bulela kokuñwi . . . libaka zeñwi. Kono, kiñi hakuli cwalo, kanti . . .

463 Cwale, Na sepa, Kezeli Smith. . . Ha ni zibi kamba ne Ni ziba Muzwale Fleeman ka nako yani kamba cwani. Ni Tryphena, Na hupula ha na sali fela musizana yomunyinyani. Wa ni hupula, ha Ne ni sa . . . neli yomunyinyani, yomukuswani, yomukima; yomunsu, wa milili yetatani. Ne ni lwananga liñindi. Oh, Ne ni nahananga kuli Ne nili muuna wa mufuta wa hae mwa lifasi. “Oh,” Na hupula, “hakuna yakona ku ni fita. Batili, sha.” Kono Ne—Ne ni ipuma ka seo, mwa bona. Kono Na . . . Cwale, Na hupula fela kuli, “Oh, mawi.” Na hupula nali, “Haiba no beile zeo mwa mukokoto waka, Ne ni zamaya ni zona mwa mukwakwa.” Luli, hakuna se si ni bilaeza. Mi nako kaufela ha Ni ca, Ne ni ba yomukima mi ya tiile ka nako kaufela. Nako kaufela ha ne Ni beya mwateni bupilo bobunca mwa . . . Ne nica kabici, makwili, ni manawa, ni nama, sina mo Ni ezeza kacenu. Mi Ne ni ba ya tiile ni yomukima ka nako kaufela. Mi Hani toba mwendi wa lilimo ze mashumi amabeli ni ze ketalizoho . . .

464 Ni ca hande cwale kufita mo ne Ni celanga linako zani, kaufela mina baba ni ziba, mwa ziba cwalo. Na kona kuca zende cwale, kaufela luna lu cwalo. Kono kiñi hakuli cwalo, Muzwale Eagen, kanti, haiba Ni sa ca lico zende, buñata bwa zona, za ma vitamini amande ni lika zeñwi . . . Mi ka buñata bwa ze Ni ca, Ni ya ni nyana hanyinyani hanyinyani. Mi cwale Ni ya ni supala nili muuna wa maheta a weyukile, wa sitenda, ni ya niba ni limbi, mane ni mazoho a kokonyana, sifateho sa fwiiñana, maheta a weyuka, nako ya kakusasana kutata fa kuzuha, mi . . . Oh, mawi. Kiñi hakuli cwalo? Haiba Ni ncafaza bupilo bwaka ka nako kaufela ha Ni ca, kiñi hakuli cwalo?

465 Haiba Ni sulula mezi kuzwa mwa ndondo kusela mwa komoki, mi iba fela licika, mi kipeto ikala kukuta mwatasi nako kaufela kufita kuli itahe inze itala; mi mo Ni seleta, kona mo iakufela kukuta mwatasi. Ki fo he cwale. Mi hamukoni kotalusa zeo ka sayansi haiba mwakona. Buka ye ki yona inosi fela yeo Mulimu aketile; ki kutwano, Mulimu na luboni hane lu sa taha.

466 Mina baana babahulile, mina basali babahulile, mwendi babañwi ba—ba baana ba mina ni basali ba mina hakulata ba se ba timezi. Seo ha—ha si bilaezi nto ni yekana. Haleluya. Bainzi fela kwabuse bwa lisila, balibelezi; kaniti. Mi ba lakaza kuba ni mina hape. Yeo ki niti, kiniti, bateni kwani. Ba lakaza kuba hamoho hape. Biblele ibulezi kuli ba libelezi, mioyo ye mwatasa aletare ye lila kuli, “Mulena, kukanga nako yekuma kai?” Mwabona? Habayo mwa minahano yeminde.

467 Mulimu na si ka lu bupa kuba Mangeloi, u lu ezize baana ni basali. Kamita lukana luba baana ni basali, kakuli lu—lu libupiwa za butali bwa Mulimu. Lukana luba baana ni basali kamita ona cwalo.

468 Kono ki sikamañi se si ezahala? Mwabona, mwendi mu nahana kuli hane mutile kwa katala, wena ni muuna hao, ne mu bulela kuli lu nyalana ka mulao kuli ni be musali ya nyezwi kuli lupile mwa tabo ya linyalo, mi ni—ni sishemo sa Mulimu ni zeñwi cwalo, ni bupaki bwa mina kaufela bo mu fa, ni buitamo bo u muezize. Nto yapili mwa ziba, mukale kulemuha, sibeli sa mina. Nali fela hande, ni milili ye benya; mi boma ni meeto a bona amande, a mafubelu amasisani, kamba meeto a mubala wabu ndilu, kamba kaufela sana li sona kaufela. Oh, mo no bonahalela tate. No zwezi fande, ne mutalimela bo ndate, “Cwale, ku otololanga maheta ani kwa mulaho”; mi kasamulaho akala ku obama. Boma baba ni milili ya limbi, kuopa mwa lingongo kwa kala ni lika zeñwi. Mi kasamulaho nyana, waya wa ikela, kamba muuna wa ikela.

469 Neli sikamañi seo? Mulimu ha na miboni inge muyemi fani, A bulela kuli, “Kona cwalo, kona mo Ni batela kuli mube cwalo.” Ku lukile, lifu, mutahile cwalo, kono ha ukoni kuba ni yona konji ha Ni ku lumeleza.

470 Oh, oh, Na nahana ka Jobo. Eeni, Mulimu nasweli kutalimela fafasi, Jobo na ziba kuli Mulimu na mu lata. (Mi mulemuhe kuli hakoni ku mi nga.) Na ize, “Una ni yena mwa mazoha a hao, kono usike wanga bupilo bwa hae.”

471 Mi cwale nto yapili mwa ziba, maheta akala ku weyuka, mi kasamulaho nyana lwa timela. Ki sikamañi sene si ezahalile?

472 Cwale, mwa zuho hakuna kuba nto iliñwi ye swana ni lifu. Hakukoni kuba nto iliñwi ye swana ni lifasi le, ya ze. . . Mwabona, nemu hula ka tato ya Mulimu, nemuna ni bupilo. Mi lifu lakena mwateni, la mi shetumuna. Kuca lico zeswana ni lika kaufela, kunwa mezi a swana, lika kaufela; kono lifu la kena mwateni. Kono siswaniso si beilwe kale. Haleluya. Mwa zuho mukaba ni bupilo hape. Mi hakuna ku yo ba lifu, kamba hakuna ze ka swana sina lifu, kamba busupali, kamba buhole kamba sika kaufela. Ku sa shwa, luka yo yema mwa kuswana kwa Hae, baba petehile kuyakuile. Haleluya. Oh, Na. . . Seo sakona kueza mutu kaufela kuhuwa, sihulu ha mu se mufitile fa lilimo zaka.

473 Lilimo zaka ki, Na sepa, mi ha, munahane fateni, kufita sapili. Mu inzi mwa mufuta o cinca, mwa bona. Mi. . . Mu kala kukomoka, “Kuli li talusa sikamañi? Ni ezize sikamañi?” Na talima fafasi fa, Na sepa, “Mawi, bunde; kihande, u ile kai, Mulena? Ki Na yo fa, fote eiti lilimo za kupepwa. Lilimo zepeli fela fahalimu, Ni kaba fahali a lilimo ze mwanda. Whew. Ni nani fela. . .”

474 Mutalimele fela fa mioyo yelikani ne Ni winile. Ni bata kuwina ma milioni ni ma milioni a mañata fateni. Mulimu, ni tuse. Na ikutwa maswabi nihaiba ku kuta kwandu ku to pumula. Munahane, “Oh, kutulo ibuzwize, mi bakutuli ki ba banyinyani. Ma milioni asali mwa sibi ni maswabi mi ba shwa zazi ni zazi, mu

utwe pizo ya bona.” Ha ni ya kwa kulobala ni ku utwa bahedeni baba nyandile bani inge ba huwa mwa naha. Mo ba tahela ka likiti kiti, inge ba ni hoha, mi—mi ba yemi kwande kwani kwa libala la fulai kone bana ni masole inge baba tibela, ku to utwa fela likande la Jesu Kreste.

475 Mi fa lwakona kukupa, ni kuzibahaza mwa mutende ni lika zeñwi kaufela, ni kuba ni libaka zende hahulu kuli baine mwateni, za kuitabisa zende ni lipina zende hahulu, ba ka taha mi “Ooooh, kihande, Na sepa zani neli lukile, ha li zamaeleli ni tumelo yaka.”

476 Oh, mawi, i—i—i kona kunga nako yetelele cwani? Ha ki . . . ha ki nto yelukile. Mi ki luna ba fa lu yumbela bukiti kiti bwa ma bilioni a minda anda a lico mwa musima wa kunepela manyalala, mi sicaba sani ne si ka li amuhela ka tabo. Mi ki libupiwa za lifasi zeswana sina luna. Mawi, luna . . . Kihande, zeo halikoni kuina nako yetelele hahulu.

477 Ku lukile, cwale, Ndate ki Mañi? Ndate ni Mwana ki nto Iliñwi. Mutalime, mwa Joani Wapili 5:7, I bulela kuli, “Kuna ni zetaalu zepakelana mwa Lihalimu, ki Ndate, ni Linzwi (yali yena Mwana) . . . Ndate, Mwana, ni Moya o Kenile: zetaalu zeo ki nto Iliñwi.”

478 “Kuna ni zetaalu ze pakelana mwa lifasi, ili mezi, mali, ni Moya.” Zeo kona lika zetaalu ze zwile mwa mubili wa Kreste. Ne ba Mu tabile kwa makupo a: mezi a zwa, Mali na zwile, “Ni beya Moya wa Ka mwa mazoho a Hao.” Ki fo he cwale, zeo kona lika zetaalu. Zetaalu zeo ha ki nto iliñwi, kono li *lumelelana* mwa nto iliñwi.

479 Ndate, Mwana, ni Moya o Kenile; Joani Yapili 5:7, ili, “Zetaalu zeo *ki nto* Iliñwi.”

480 “Mezi, mali, ni Moya za *lumelelana* mwa nto iliñwi.” Ha ki Alimuñwi, kono li *lumelelana* mwa nto iliñwi. Kacwalo Ndate . . . Mi nto iliñwi fela yeo mubili ukona kueza, mi Mulimu hakona kuipona Iliyena, kuli ka koto yo fitile ku yona mubili wo, ao kona makopanelo . . . makopanelo ki ao foo, mwa bona. Fo kona Fa bona Mali inza yemi mwahala Hae ni katulo. Ki le Linzwi la Hae, ali, “Zazi le mu ka ca kuyona, kona zazi le mu ka shwa.” Mi fa Jesu abulela kuli, “Ni . . . Kono Ni ngile sibaka sa bona. Mwabona, Ni ngile sibaka sa bona.”

481 Mwa hupula likande laka busihu bobuñwi ha Ni bona pono ya musali ya maswe yanali mwa muzuzu kwani? Mi Ne ni sweli ku mu nyaza, nali, “Mulimu, kiñi ha u sa mu pancisi fela mutu yo?” Mi ki Ha *ni* bonisa, mwabona. Mi Na ya ku yena ni ku mu bulelela sene si ezahalile.

Cwale, ye kona puzo yaka ya mafelelezo.

**64. Kana unahana kuli, kuya ka mañolo, kuli Majuda ba kaba...baka amuhela Kreste Kuungelwa kwa Keleke kusika ezahala kale?**

482 Na—Na—Na luli na lumela kuli Kuungelwa kwa Keleke... Wo ki munahano waka, mwabona. Mi kambe luna ni nako, ne lu fituluka mwateni, kono seli—seli kasamulaho wa naini cwale. Amutalime, Ni lumela kuli Majuda ba ka amuhela Kreste ka Kutaha kwa Hae kwa bubeli. Cwale muhupule, ili kuli mutu ya buzize azibe se, meeto a luna na bofalile, kamba, meeto a bona na boufalizwe kuli luna lukone kuamuhela kubona. Mutu kaufela wa ziba, Mañolo abulela cwalo. Kana ku cwalo? Paulusi ulu bulelela kuli luna...ne lu boufalizwe... kuli Majuda ne ba boufalizwe kuli luna lu amuhele Kreste. Mwabona? Mi luna lu mutai wa mwa naheñi o comekilwe fela ka kuañuliwa kwa kota.

483 Cwale ki wo muhupulo waka, ni ka mifa fela... U ni buza kuli, “Kikuli u nahana...?” Cwale ki cwana mo Ni nahanela mo ku kabela. Ha ni zibi. Kamba ki nto mañi kaufela, Ni ziba kuli ka muhau wa Mulimu ni ka sishemo sa Hae, lu ka yoba kwani; mwabona, ka muhau wa Hae, kaufela seo sili sona. Hani koni kuba ya tatulula hande lika, kono kuna ni se Ni nahana. Ni lumela kuli lu kwa nako ya maungulo. Ni lumela kuli lusika lwa Bamacaba lwa fela cwale. Ni lumela kuli lu kwa mungundo.

484 Mi cwale Majuda; kubile lika zepeli ze bile li nyemisa Majuda kamita: Bona ka kuba libofu, ne ba si ka libona; mi bakeñisa kuli Bamacaba, ka nto iliñwi, linako zeñata... .

485 Ni ni ikambota ni Mujuda yomuñwi kwa Benton Harbor, Kezeli Smith, mi mwa ziba sa na ni bulelezi? Kwani ku alimuñwi wa Isilaele... sibaka sa Isilaele kwani. Puzo ye kuama foliso ya muuna wa sibofu. Mi ki hali, “Ha mukoni kupumaka Majuda mwa... Ha mukoni kupumaka Mulimu mwa liemba zetaalu ni ku Mu tambeka ku Mujuda; ku Mu eza Ndate, Mwana, ni Moya o Kenile.” Ali, “Ha mukoni kueza cwalo ku mu Mujuda, luna halu ba lapeli ba milimu.” Ali, “Lu lumela ku Mulimu *alimuñwi*.” Mwabona?

486 Kono mina mueza Mulimu kuba zetaalu: Mulimu Ndate, Mulimu Mwana, ni Mulimu Moya o Kenile; muka boufaza Mujuda ona foo, kakuli yena wa ziba hande. Wa ziba hande kufita zeo. Zeo likona ku mi eza balapeli ba milimu kuya fela ka bulapeli bwa milimu mo buinezi, muna ni balimu ba balalu. Muna ni kuba eza kuba Mulimu yaswana anosi, ha ki balimu ba balalu, ki ofisi ze taalu za Mulimu alimuñwi. Mwabona, Mulimu na sebeza mwa Bushemi, A sebeza mwa Bwana, mi U sebeza cwale mwa kalulo ya Moya o Kenile. Ki yena Mulimu ya swana anosi.

487 Kona libaka lene lu laezwi ku kolobeza ka Libizo la Ndate, Mwana, Moya o Kenile; kakuli, isiñi ka libizo la... Ka *Libizo*, isiñi mabizo; isiñi ka mabizo, kamba ka libizo la Ndate, ka libizo

la Mwana, ka libizo la Moya o Kenile; kono “ki ka Libizo la Ndate, Mwana, ni Moya o Kenile.” Mwabona, kulemuha Mulimu yaswana anosi ka kuba Krete. Mwabona, yo ki Yena luli ali yena, ha kukoni kuba ka nzila isili. Mwabona? Mi Mañolo . . .

<sup>488</sup> Mi—mi he haiba sinulo ya luna ifosahalile, konakuli Pitrosi ni ba apositola babañwi ne ba luta lika ze fosahala; kakuli mutu kaufela mwa Bibebe na kolobelizwe ka Libizo la Mulena Jesu Krete. Hakuna nihaiba mutu yomukana ya kile a kolobezwa ka “Ndate, Mwana, Moya o Kenile,” ki tuto ya ba Katolika. Na kona ku mi bonisa yona ka manzwi a bona luli, hamoho cwalo ni libuka za bona za litaluso za manzwi ni lika zeñwi kaufela. Ki tuto ya tumelo yaba Katolika mi haki—mi haki tuto ya Bibebe. Mi hakuna mutu . . .

<sup>489</sup> Nihaiba yena Mulena wa England na kolobelizwe ka Libizo la Jesu Krete. Mwendu ki lilimo ze mianda yesilezi kasumulaho wa lifu la muapositola wa mafelelezo, kanti mane ka nako yani ne li sa bulelwangi mwa England, ne i bizwa kuli “Naha ya Lingeloi.” Kwani kona ko izwelezi, lona libizo lateni. Na kolobelizwe ka Libizo la Jesu Krete.

<sup>490</sup> Ki sikamañi sene si mu fetuzi, neli nyunywani yenyinyani. Mi . . . Haiba Ni ka nahana . . . ha ki Saint Angelo. Neli mañi libizo libizo la hae, cwale? Agadabus [Sipeleta si fosahalile—Mu.], Saint Agadabus, Na lumela neli yena. Hani zibi hande ka libizo lani, cwale. Kono, nihakuli cwalo, naile kwani, mi baba ni babañwi ba bona . . .

<sup>491</sup> Neba ba biza mangeloi kakuli, sicaba ni ma Assyrian ni babañwi cwalo ne ba li babansu, mi ma English bona nebana ni milili yemitelele, yemisweu, ye tatani tatani, ye mifubelu kwa litho, ma Anglo-Saxon, mwa ziba, ba meeto a mubala wa ndilu. Mi se bali, “Ne ba bonahala inge Mangeloi,” mi kona mo ne ba sibizeza kuli “Naha ya Lingeloi.”

<sup>492</sup> Mi ni—ni mutanga wa Mulena aya kwani mi na sweli kukutaza za Mulena ku mulena wa bona, mi nebainzi kupotoloha mulilo, omutuna fa sibaka. Ne ni sweli kubala litaba za kale ha ki kale hahulu. Mi nyunywani nyana ya fufela mwa liseli ni kukuta mwa mulaho, mi mulena abuza puzo, “U zwelezi kai mi uile kai?” Mwabona? “Na tile mwa liseli, mi lwa mu bona, mi akuta hape mwa lififi. Kana cwalo hakona mwa zamaelanga mutu nji?” a bulela.

<sup>493</sup> “Kono nali sikamañi asikaba kale ni kutaha kwanu?” kwa bulela mukutazi, mwabona. Sani sa kena mulena; mi habusa kakusasana, yena ni ba ndu ya hae ba kolobezwa ka Libizo la Jesu Krete. Yeo ki niti.

<sup>494</sup> Cwale ki sikamañi? Muuna wa pili yakile a fafalezwa fateni kamba yakile akolobezwa ka nzila isili fela ka libizo la “Ndate, Mwana, Moya o Kenile,” neli mwa keleke ya Katolika. Kufafalezwa kwapili kone ku ezahalile fateni, neli mwa keleke

ya Katolika. Kusela kwapili kone ku ezahalile fateni, neli mwa keleke ya Katolika. Keleke ya baipanguli kamita ikolobelize . . . ka Bibebe, ba apositola, ka kucimbeka ka Libizo la Jesu Krete. Kai ni kai. Mufumane fela sibaka kone kuna ni sika kaufela, mwabona.

495 Cwale, mwahali a lika ze, nako yetuna ye, Majuda habakoni ku . . . Ne ni buzize muluti yani, Se nili, “Muluti, kana kutata kuli ulumele baplofita?”

496 Ki hali, “Na lumela mwa baplofita.”

497 Se nili, “Mwa Isaya 9:6, ki sikamañi sa na talusa, ‘Ku luna Mwana u pepilwe?’ Na ambola ka mañi?”

498 Ki hali, “Na ambola ka za Mesia.”

499 Se nili, “Kona kuli Mesia u ka pepwa nji?”

500 “Eeni, Na ti lo pepwa.”

501 Se nili, “Kona kuli haiba Una ni kupepwa, Una ni . . . Ukaba ni mahe.”

502 “Eeni, Una ni kuba ni mahe. Mi Una ni kuba ni ndatahe, hape,” a bulela.

503 Se nili, “Ukumbile. Mi kana ku ka ku tatafalela ku lumela kuli . . . yena Mulimu Jehova Yomutuna Yana kwaluzi Liwate Lelifubelu, na si ke ku pepa Mbututu ka kupepa ko ku kenile?” Mwabona? Ki yani foo.

504 Ki hali, “Kono ha u koni ku Mueza balimi babalalu.”

505 Se nili, “Ha ki milimu yemilalu.” Se nili, “Ba ka Bizana cwani Mesia ni Mulimu?”

506 Ki hali, “U kaba Mulimu.”

507 Se nili, “Cwale u boni. Cwale u boni, Ki yena Mulimu.” Yeo kona niti.

508 Mi ki ha lika ku ni bulelela, kuli, “Kihande, muuna yo neli lisholi, yena Jesu wa Nazareta yoo. Nali lisholi.”

509 Se nili, “Muluti, Nali lisholi cwani?”

510 “Kihande,” ki hali, “mañolo a mina sakata abulezi kuli ‘Na keni mwa simu ya mbonyi ka lizazi la Sabata, mi aloba mbonyi.’”

511 Se nili, “Cwale, muluti, wa ziba hande . . . hahulu ka za Mañolo kufita foo. Mañolo a mina kasibili apaka kuli zeo ki za mulao, ‘Ki mulao kuli mutu a icele mbonyi ka mwa latela, haile fela haibeyi mwa saka ni ku zwiseza kwande.’ Mulao wa mina luli, ki muluti yoo.”

512 Mi ayema fani fa nako nyana, a—a—a lumela cwalo, kakuli na—na pakile cwalo. Mi ali, kasamulaho nyana, mi ali, “Kihande, ki—ki sikamañi sene sitiselize meeto a Joani . . .” Ali, “U ezize cwani zeo?”

513 Se nili, “Ka Libizo la Jesu Krete.”

514 “Uh.” Na—na sa zibi; ali, “Kihande, haukoni kupumaka Mulimu mwa liemba zetaalu.”

515 Se nili, “Nali yena Jehova yana ikezize mwa nama, Muluti. Na. . . Kona sa Nali sona, Nali Jehova mwa nama. Libizo la Hae kasibili la butu, lani neli Libizo la puluso, kakuli hakuna libizo leliñwi le li filwe mwatasa Lihalimu leo ka lona mutu a ka piliswa, konji fela ka Libizo la puluso la butu lani: la Mulena Jesu Kreste. Yeo ki niti. Nali yena Mulimu, Ki yena Mulimu, Ukaba Mulimu kamita, yeo luli ki niti, yena Mulena Jesu Kreste.”

516 Cwale, Ni lumela kuli keleke ya Bamacaba cwanofu ikaba. . . mwa kufeleleza kwa mubili wa keleke ya Bamacaba. Minyako fahalimu. . . Jesu naize, mwa Mateu 24, (Nika nga Liñolo li liliñwi leo fa muzuzu fela), Na ize, “Ba ka hatikela fafasi mamota a Jerusalema kufitela masika a Bamacaba a felelele.”

517 Cwale amutalime. Ne li filwe ki Mulena mina Jesu, mwa Mateu 24, kuli Majuda ba ka zwiswa mwa siswaniso. Daniele naize, kwa baplofita ba kwa mulaho kwani, na bulezi kuli ‘ku kaba lisunda ze mashumi a supa ze tomilwe, kwa Majuda. Mi ni Mesia uka taha (yena Mulena) mi uka to polofita mwahala lisunda ze mashumi a supa, yeneli myaha ye supa, na ka bulaiwa fahali hali. Mutalimele mo li bezi ze petehile, Jesu na kutalize ka kupetahala hande lilimo zetaalu ni licika ki ha kokotelwa. Kono kuna ni zetaalu. . . Ze tahile ku yona puzo iliñwi ye faa. Ku sa na ni lilimo zetaalu ni licika hape ze tomezwi ku zona, kwa Majuda. Li na ni kuba cwalo.

518 Cwale haiba munga Sinulo, kauhanyo ya 7, Joani na boni baba handeleti ni fote fo sauzande Majuda baba swaile kaufela, ba masika a lishumi ka ambaeli a Isilaele. Mwabona se Ni talusa? Kono ne li na ni kunga sibaka, ku ze sa taha.

519 Cwale mutalime ka mo libezi zende, lu si ka kwala kale cwale. Mubone mo—mo li zamaela. Cwale, Majuda bani ba beilwe mwa lififi.

520 Cwale, Majuda ba faa, buñata bwa bona faa, bainzi fela. . . mwa ziba mo ba inezi, ki bona baba sweli sifumu sa lifasi. Mi bona bana ni fela—fela mashelēni amañata, mi kona fela zemukona kubona mwateni, mwabona; mi mane ki ka kuipaheka, ni kusaiseza ngana, mane habana ku teezeza. Kono, bao ha kibona ba Na sweli kubulela ka bona, haiba mu lemuha.

521 Cwale, ki Bamacaba. . . Cwale amutalime, kuna ni ye sa zizezi hape myaha ye milalu ni licika kwa Majuda bani. Cwale, Jesu na bulezi kuli munzi wa Jerusalema uka hatikelwa ki Bamacaba kufitela masika a Bamacaba a petahala. . . (Cwale, mina sicaba baba sa lumeli mwa likalulo za masika, kucwani cwale ka seo?) . . . Kufitela likalulo za masika za Bamacaba li petahala. Mi cwale likalulo za masika a Bamacaba li petahala (linako za Bamacaba li fela), fohe kipeto munzi uka fiwa hape kwa Majuda. Mi Jesu azwelapili ni kubulela kuli lusika lwani. . .

Ali, “Ha mu zwela kwande mi mu yo bona kota ya feiga ishoshela matali amanca, mane ni likota zeñwi hamoho ha li shoshea matali amanca,” naize, “muzibe kuli mbumbi isutelezi.” Ali, “Ka mukwa o swana hamuka bona lika zeo liezahala, muzibe kuli nako isutelezi, mane lifa munyako; mi kaniti Nili ku mina lusika lo haluna kufelelela kaufela lona konji lika ze li talelezwe.”

522 Cwale, ne ba li libelezi mwa lusika lwani, “Sani kona sa Na bulela ka sona.” Batili ne si cwalo!

523 Muteeleze! Na ize, “Lusika lone luboni kota ya feiga itubula matali a yona.” Cwale amubone, Na bulezi kuli, “Kota ya feiga, mane ni likota zeñwi kaufela.” Cwale, ka manzwi amañwi, “Kukaba ancafazo ya silundwamanji ka nako yani.” Cwale mutalime bupolofita boo, mo si tamahanela hande mwa bupetehi. Cwale amutalime. “Likota zeñwi kaufela litubula matali a zona a manca, za ancafala.” Kota, ha itubula matali a manca, ya ancafala. Kana ku cwalo? Cwale, mañi ni mañi wa ziba, muluti wa mupolofita, kuli kota ya feiga kamita iyemela Mujuda. Lwa ziba cwalo. Ki Mujuda. Cwale ba . . .

524 Mi amutalime Joele, ha na li tatulula, na bulezi kuli, “Se si siilwe ki nziye, si cilwe ki sishenyi; se siilwe ki sishenyi, si cilwe ki nziye yekima; ni se si cilwe ki nziye ye . . .” Haiba mu ka lemuh, nto yeo ki kokwani iliñwi mi yeswana, likalulo za shutana: nziye, sinyenyi, nziye yekima. Kaufela zeo ki kokwani yeswana, ki likalulo fela ze shutana za bupilo bwa yona. Cwale amutalime, ona kokwani yeswana yani yene cile kwa kota ya Sijuda yani, ni ku iwizeza fafasi, mi ya kala kuca ni kuca ni kuca ni kuca kufitela ha iyo fitisa fa lisina; kono he ubulela kuli, “‘Ni ka kutiseza,’ kubuela Mulena, ‘myaha kaufela ye cilwe ki nziye. Mi Ni ka fa tabo kwa sicaba sa Ka.’” Mwabona? Cwale, kota icilwe mane kuisa kwatasi. Bamacaba ne ba comekilwe fela ku yona, yeo ki niti. Ku lukile, lu lukela kubeya miselo.

525 Cwale nako ya maungulo ha itaha, ha lu ya lufita kwa mafelelezo (haina Na li bona hande), Evangeli kikuli: ku lukela kuba ni ancafazo yetuna yekanga sibaka.

526 Cwale, kana mwa ziba kuli ndembela ya Sijuda ki yona ya kale kwa lindembela kaufela za lifasi? Mi ibile mwa kuipata fa lilimo ze likiti zepeli, kufitelela zeo mani, mwendi lilimo ze mianda ye twenti faifi. Ndembela ya Sijuda, ndembela yena ni naneli ya maneku a silezi ya Davida, ne i si ka pepela fateni ka lilimo ze mianda ye twenti faifi; kuzwelela kwa kuisiwa mwa—mwa Babilona. Mi cwale, kakuli Mubuso wa Siroma wa ba hapa (mi Mesia ataha mi ba Mu hana), mi ba hasanela kwa maneku amane a mioya ya lifasi. Kono kana mwa ziba, la sikisi Kandao, 1946, ndembela yani ya pahamiswa fahalimwa Jerusalem hape? Kana mwa ziba, kala zebene Kandao, 1946, Lingeloi la Mulena la to bonahala ku na (zazi lelitatama) ona kwanu, ni ku ni lumela kwa lifasi kaufela kwa kuisa ancafazo? Ili kakusasana otatama



luli! Ndembela yani hane ipepela mwa Jerusalem, sina kulikela kwa lizazi musihali wani, Lingeloi la Mulena la to bonahala mo mwa United States ka nako yeswana. “Ha mu bona kota ya feiga ni likota zeñwi litubula!”

<sup>527</sup> Ki ba bakai ba bahupula Naleli yani yene nyendaela fafasi kwa Nuka ya Ohio, lilimo zeñata kafoo, ha Na bulezi kuli . . . Ki se fa siswaniso sa Yona ha Na shetumukile fafasi. Ali, “Liñusa la hao li ka etelela Kutaha kwa bubeli, kuswana fela sina Joani hana ile kwa ka kuba mutwaleti wa Kutaha kwa makalelo.” Mi, amutalime, mwahala lifasi kaufela kubile ancafazi. Mashumi a likitikiti kualula ka likitikiti ni likitikiti, ni ancafazo yetuna.

<sup>528</sup> Ba milao kaufela, ni ba bashutana basili kaufela babaliteni mwahala naha, mi likeleke zetuna za bulela kuli, “Mazazi a Billy Sunday a felile.” Kono ha ba bona keleke ikala ku ancafazwa (batu babasina libubo), ne ba na ni kuipata kwa lifateho za bona. Charles Fuller nakanga sibaka, kono na sa supezi hahulu; kacwalo baya ni Billy Graham. Mi Mulimu anga Billy Graham, kamba, ba keleke ya Baptist ba eza cwalo, mi kaufela bona ba mu potoloha. Mi Billy Graham haki mukutazi yomutuna kufita Muzwale Neville mwa inezi, kuya ka kuba mukutazi, isiñi ka . . . batili, haku konahali. Kono ki sikamañi? Nebana ni kueza ona cwalo, ki mubili wateni, mane mañi ni mañi bateni ba lipotolohile, ba kopanela ku yona. Billy ubulena taba yeswana. Mwabona, nebana ni kueza cwalo. Mi neina ni kuezahala kuli italeleze Linzwi la Mulimu. Ne ba sina Moya o bakonisa kuina bukaufi, kacwalo nebana ni kunga Linzwi kuli baine bukaufi ni lona; kona mo ne ba ezelize. Mi Billy ki mukutazi wa Linzwi, mi ki yomunde, mi ba fumaneha bukaufi; kona kuli seo sa beya buino bo bubata kaufela mwa mukopano wa bona. Mi Sibupiwa sa moya, ka foliso ya Bumulimu, ni mata ni misebezi ni lika zeñwi cwalo, ka limakazo za Mulimu, kubeya yona . . . ye Keleke, Munyaliwa ya ngilwe uka ni Oli mwa Lambi ya hae, ku Mu beya mwa ancafazo. Mwabona? Mi keleke ye batelwa ya kale neina ni ancafazo ya yona. Mi ki ye fa Isilaele isikuluha mwa ancafalo ya yona.

<sup>529</sup> Nina ni filimi mwa ndu yaka cwale, yebizwa *Three Minutes Till Midnight*. Mi luna ni siswaniso sa Majuda babataha bani. Bakena mwahali; mu si boni mwa mutende wa ba *Look* magazine. Mi lisepe, li longile, kutaha kuzwelela koo kwa Iran ni kwa libaka zani; ona Majuda bani ne ba si ka ziba kuli Jesu akile aba mwa lifasi, ba isiwa mwa kuhapiwa kwa Babilona. Kona fela ze ne banani. Ba lima . . . mu li boni mwa mutende wa ba *Look* magazine kamba wa *Life* ni yeñwi, ko ne ba limanga ka libelekiso za likota. Mi hane ba bona lifulai zani ha li taha, ba hupula kuli, “Se ki sona,” kakuli Mulimu na ba bulelezi kuli “bakaba kulo kwani, mi ne ba ka isiwa kukutela kwa Jerusalem fa mafufa a limbande.” Yeo ki niti. Ki bani bateni kwani. Mi Majuda bali, “Se ki sona.” Ba kena hande mwateni, mi luna ni

maswaniso a bona ni manzwi a bona luli, ni ku ba buzaka lipuzo; kuzwa kwa libaka kaufela za lifasi. Babañwi ba bona inge ba pepile macembele ba bona kwa mikokoto, ni babañwi ba libofu ni lihole. Mi ba kena mwa lisepe kuzwa kwa libaka ze shutana za lifasi, ba kuta hape.

530 Mi ba kala kunopa macwe ku a shimbela mwa masaka, kuzwa mwa mubu; mi kacenu ba fumani maweluwelu a mezi, ili sibaka sesinde hahulu, se situna sa njimo mwahala lifasi. Liwate Lelishwile lina ni sifumu sesiñata kufita sa lifasi kaufela kuli kopanya hamoho. Majuda ba kuta; zeo li ptailwe ku Bamacaba, kono basweli ba hula sina palisa.

531 Ba ba bulelela kuli—kuli ona Majuda bani, ba li, “Kana mutaha ku to shwela mwa naha ya mina.”

532 Ali, “Lu kutela ku to bona Mesia. U Inzi kai? U lukela kuba kwanu.”

533 Muzwale, hamuka bona kota ya feiga itubula lipalisa, Na bulezi kuli, “Lusika lo haluna kufelelela kufitela lika kaufela li petahala.” Mutalime fa ancafazo ni mifuta ya yona. Mutalime fa ancafazo yeli mwa Keleke. Mutalime kwa ancafazo yetahile ni Majuda, ba libelezi kutaha kwa Mesia. Keleke, Keleke yetezi Moya, Munyaliwa hamoho ni. . . balyanjo babana ni oli mwa lilambi za bona ba ka kena mwa Mukiti wa Linyalo.

534 Majuda ba ka li, “Se ki sani. Yani ki yena Mulimu wa luna yo lubile lu libelela.” Ki bao baba handeleti ni fote fo sauzande ba mina. . . bao ba Russellites ba lyangana ka bona. Ki bao Majuda baba yemi fani baba ka Mu amuhela. Ne baize, “Ki yani Mulimu wa luna yo lubile lu libelezi.” Ba ka Mu bona, ba bulele kuli, “Ki kai ko A fumani ao? Ki kai ko A fumani mañiba ao mwa lizoho la Hao?”

535 Ki hali, “Ni afumani mwa ndu ya balikani ba Ka.” Yeo ki niti, “Ndu ya balikani ba Ka.”

536 Ki sikamañi Sa ka eza? Keleke ya Bamacaba ika ngiwa mwa Kanya mi Munyaliwa uka nyalwa ku Kreste.

537 Kana Josefa na itibaharize cwani kwa sicaba sa hae? Na lukuluzi Bamacaba kaufela kuzwa fapila hae. Kaniti kona mwa na ezelize. Ki sikamañi se si ka ezahala ku bo masialeleti ba peu ya musali? Drakoni ya kwa mezi mwa mulomo wa yona kuli itise ndwa; Jesu ali, “ba ka nepelwa kwa lififi la kwande, mi ku kaba lililo ni kulila ni ku kweca meeno,” liholo zetuna za manyando ni miliko lika tahela keleke ya Bamacaba.

538 Ki sikamañi se si ka nga sibaka he? Ha ku ka taha lipulao za babulaiwa, fani Mulimu ha sa kauhanyize lika kaufela kwa Majuda bani kwani, Jesu uka kuta sina Josefa mwa na ezelize. Ha ba utwa Josefa, ha lukulula balibeleli ba hae kaufela ni batu basili, mi abona Benjamini yomunyinyani ni babañwi inge ba yemi fani, inge basweli kubaka bakeñisa kubulaya Josefa. Ne ba

hupula kuli ne ba mu bulaile Josefa, kanti ki yo inge ayemi fapila bona. Ki hali, “Kina Josefa. Kina munyana mina.”

539 Ba ngangama luli, “Ki yena Josefa mina. Cwale kikale lu mu ziba.”

540 Mi Ha ka bulela kuli, “Kina Jesu. Kina Mesia.”

541 Ba ka bulela kuli, “Oh, mawi, cwale se lu ka amuhela!”

542 Kaufela ne li ezelizwe kwa kanya ya Mulimu. Haiba kuba za Hae. . . Kihande, ne ba mu utwa inza huwa mwa muleneñi wa Faro, Josefa inza ba lilela.

543 Mulibelele kufitela Jesu abona Majuda bana Na ni kunata ka bubofu kuli luna Bamacaba lube ni kolo ya kukena mwahali, yani ikaba hola iliñwi, Na mi bulelela. Uka nga Majuda bani, musike mwa bilaela, Majuda bani ba ka piliswa. Eeni, sha, ku lukela kuba teni. Mi wo kona mulelo waka ka zona, Hani koni ku libona kai kamba kai mwa Mañolo. Mu lukela kubeya lika zeo hamoho, hape.

544 Mu lukela kubula mu—mu mwalyanjo ya lobezi, mane—mane keleke ka buino fela bo buiketile, buipuleli, mwabona. Mu lukela kuba ni keleke. . . Fo ki kuli, ki Mujuda pili, ki Mujuda pili, yali fela mutu ya bofalile inza libelezi kwa matuko a nzila. Mu lukela kuba ni muhato otatama kapili, yali mwalyanjo ya lobezi, ya bunya kwa kueza lika, ni kuzwela kwande fela kuya kwa keleke, ni kuikopanya kwa keleke, mane ni mutu yomunde luli. Konakuli mu lukela kuya kwa Keleke, ya moya, ya Kuungelwa, ya Munyaliwa, ki yani uyemi fani. Batu babalalu bani, hamukoni. . . ha ba si ka lyangana, nihaiba hanyinyani. Kaufela bona ha ba swani. Isiñi Lipaki za Jehova mo ba bulelela kuli, “kuna ni baba handeleti ni fote fo sauzande ku Munyaliwa”; ao ki mafosisa. Bani ki Majuda, mwabona. Kuna ni Munyaliwa, ki Majuda, ni mwalyanjo ya lobezi. Mi muba bize kaufela, mubulele kuli, “Kihande, ki babalalu kaufela mwa libaka ze shutana.” Kaufela bona, ki litopa zetaalu ze shutana za batu. Luli, ha bakoni.

545 Mi cwale Jesu ha kuta fa lifasi. . . Majuda, ki bafi bao? Ki manduna linjululume ba tempele. Mi cwale Jesu ha taha, U taha ni Munyaliwa. Jesu utaha linako halalu: Na tile lwapili ku to *pulusa* Keleke ya Hae, Utaha la bubeli ku to *nga* Keleke ya Hae, U taha la bulalu *hamoho* ni Keleke ya Hae. Mwabona? Kiniti. Kona kuli ki kutaha kulikumumu kokutuna ko petehile, ki Mulimu yomutuna fela alimuñwi ya petehile; ki Kreste alimuñwi fela yomutuna ya petehile; ki Keleke iliñwi yetuna yepetehile, kupuluswa kulikumumu kokutuna ko ku petehile, . . . lika kaufela; kutaha ki ko ku laalu, kono kaufela zona ki nto Iliñwi. Mwabona? Ha ki batu babalalu, ha ki lika ze taaluu za *se*; ki Mutu fela alimuñwi, Keleke iliñwi, Mubili ulimuñwi, Kreste alimuñwi, Mulena alimuñwi “mwahala mina kaufela, ni ku mina kaufela,” ni zeñwi ze cwalo kaufela. Kaufela ki nto iliñwi!

546 Mulena ami fuyole. Ni mi bulukile nako yetelele luli.

547 Mulena ha lata, cwale, haiba Ni ka yo kuta hape mwa masihu alikani, kamba la Sunda busihu kamba nto yeñwi ye cwalo, haiba nji mulisana kwanu haana kuba ni sesiñwi fa pilu ya hae, Ni ka lika ku alaba zee faa. Oh, kuna ni zende zeñwi faa. Ki ba bakai baba tabela ku li utwa? Oh, Na li lata fela. Halu boneni ni bale mwateni hape, kapili fela, lu si ka fa kale sebelezo ku mulisana.

548 Amu teezeze fela ku se. [Muzwale Branham u alaba lipuzo zetatama ze eiti mwa Kalulo ya III, kukalela fa paragirafu 668, kakuba puzo ya bu 67 kuyofita fa 74—Mu.]

**Kikai macwe ao ayeme-...? Kana macwe ao ayemela sikamañi mwa Sinulo, 21?** Yeo kwateni ki yende.

**Tatulula libatana zene za Sinulo 5.** Ki yeo yemu yende hape.

**Babahulu ba twenti foo ki likamañi?** Ki yeo yemu yende hape, mwabona.

**Kana lisila lelifubelu la Genese 38 ne li talusa sikamañi?** Mwa hupula, nailo nga mukwenyana hae wa musali ni kupila ni yena sina lihule; ni ku yo lifa ni kukuta; mi cwale mwana ha yo pepwa, ne ba apesa lisila lelifubelu kwa toho ya hae (na kasehaza fande ni ku kutela mwahali), yana—yana tatama na tile kwapili a hae. Oh, yeo ki yende; luli ki yende.

**Ki limpo mañi ze lukela ku fiwa kotalimana ni lifu la lipaki, mwa Sinulo 11?** Fani kona Mushe ni Elia haba kutela kwa ancafazo ku bona baba handeleti ni fote foo sauzande. **Mpo ki sikamañi?** Mutalimele zeo lili zona, zeo ki zende.

**Ba bakenile kasumulaho wa lilimo ze wani sauzande bakaba kai... (ki yeo yende, mushimani. Kikuli... )...puso? Ki mubili wa mufuta mañi obakaba ni ona?**

**Lu ka atula cwani mangeloi?**

**Kiñi milili haiba ya mangeloi mwa Makorinte Bapili? Mwa Buka ya Makorinte Bapili.** Zende ki zeo, zende luli.

549 Mulena ami fuyole. Ni sepa Mulena uka lu lumeleza kutaha hamoho ni ku ambola litaba zee, kaufela ki kwa kanya ya Hae. Lwakona ku palelwa kulumelelana fa litaba za yona; kono Ni ka bulela nto iliñwi, haiba kaufela mina muba ni tabo ka ku li teezeza sina mo Ni ikutwelanga ka ku li bulela, kona kuli luba ni nako yende. Amen. Amen.

550 Ku lukile, Mulena abe yomunde ku mina cwale. Musike mwa libala lisebelezo. Tukiso fa silimba ya Muzwale Neville, cwale, ki ka za WLRP, la Pelekelo kakusasana ka naini kiloko; baopeli ba ha Neville, mi Na ziba kuli ba ka mi katulusa luli, mu kwalule ni ku ba teezeza. Mi haiba Ni kona, haiba Ni ka kuta ka nako, kamba kubona Ni ka yo kuta, Ni ka biza musala

ka; haiba Mulena ani lumeleza ku yo bona muuna muhulu Muzwale Bosworth. Ni . . . Mina kaufela . . . mi Ni ka yo kuta la Sunda busihu.

<sup>551</sup> Mulena abe yomunde ku mina cwale. Mi muzwale, mulisana, taha kwanu fa muzuzu fela; mi cwale ange sebelezo. Mi:

Usike wa libala tapelo ya lubasi,  
 Jesu ubata ku ku katanyeza teñi;  
 Uka feza matata a hao kaufela,  
 Oh, usike wa libala tapelo ya lubasi.

<sup>552</sup> Mwa tabela cwalo? Kiba bakai baba lapelanga mwa mandu a bona? Halu boneñi, kaufela baba . . . kaufela . . . Zeo ki zende, mupile bukaufi ni Mulimu. Mube hande, bana babanyinyani, Mulimu ami fuyole.

Ku lukile, Muzwale Neville.



*LIPUZO NI LIKALABO MAHEBERU KALULO YA II LOZ57-1002*

(Questions And Answers On Hebrews Part II)

MUKOLOKO WA MUEZEZO, MULAO NI TUTO YA KELEKE

Liñusa le ka Muzwale William Marrion Branham ne li kotalizwe lwa pili mwa Sikuwa la Bulalu manzibwana, Yenda 2, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)